



NEWMONT GHANA SIKAKOKO ADWUMAKUO




BEAEE FOFORO A WOBEBHEHWE
AMA NNIPA AKOTENA HO
ANAMMONTUO HO NTOTOEE



AHAFO ANAFOO
DWUMADIE




Osanaa 2005



BRONG AHAFO
REGION
GHANA
WEST AFRICA

**NEWMONT GHANA SIKAKOKO
ADWUMAKUO**

**BEAEE FOFORO A WOBEHWEHWE
AMA NNIPA AKOTENA HO
ANAMMONTUO HO NTOTOEE
AHAFO ANAFOO DWUMADIE**



Wohyehyee yei maa:
Newmont Ghana Sikakoko Adwumakuo
C825/26 Lagos Avenue
East Legon, Accra, GHANA

Won A Wohyehyee ne:
Planning Alliance
205-317 Adelaide St. W.
Toronto, CANADA

Osanaa 29, 2005



NEWMONT GHANA SIKAKOKO ADWUMAKUO

BEAEE FOFORO A WOBEHWEHWE AMA NNIPA AKOTENA HO ANAMMONTUO HO NTOTOEE AHAFO ANAFOO DWUMADIE

NSEMPO

Nnianimu

Newmont Ghana Sikakokoo Adwumakuo no aye nhyehyee se, wobedi sikakokootuo ho dwuma a wato din se (Ahafo Anafoo Dwumadie) wo Asutifi Mansini mu a ewo Bono-Ahafo Mantam mu wo Ghana. (Dwumadie no ho mfonu na eda nwoma yi anim no).

Openimaa da a eto so dunkron wo afe mpem mmienu ne mmiensa mu na wowiee Ahafo Dwumadie no ho nhyehyee nyinaa. Ghana Aban ne Newmont Adwumakuo no na wopenee so yee saa Amannone Dwetire yi ho Apam ho nkrataa nyinaa. Saa Fagudeetuo ho Dwumadie a wode ama Adwumakuo no begye asase a se wosusu no wo ahinanan mu a, ne kesee ye aborofo kwansini ahanum aduasa nsia ne akyire po aduonum nsia (536.56 sq.kilometers).

Eduruu mfee mpem mmienu ne mmiensa awiee no, na Adwumakuo no abo mmoden ahunu se sikakokoo poma dodo a wobetumi anya afiri asase no mu ye opepem nson ne mpem aduosia mmiensa, a poma baako biara bo ye amerika sika ahasa aduonu nnum, (7.63 million ounces @ US \$325/ounce).

Adwumakuo no bedi Ahafo Dwumadie no wo akwan mmienu so, dee edi kan ne: (Ahafo Anafoo) na dee eto so mmienu ne: (Ahafo Atifi). Dwuma potee a wobedi wo Ahafo Anafoo Dwumadie no mu ne se, wobetu sikakokoo no na wode mfidie adane ani ama adi mu wo asase a wode ama won no so ho ara. Asase a wobetu sikakokoo wo so wo Ahafo Anafoo Dwumadie yi mu no kesee ye "poolu" mpem mmiensa oha ne dubaako (3,111 hectares).

Wohyehyee se Dwumadie yi bedi abosome aduonum nnum. Wohyee asee de nnooma a wobehia wo dwumadie no mu koo asase no so wo Oforisuo bosome mu wo afe mpem mmienu ne nnan mu (April, 2004), na wohyehyee se ebeduru Kotonimaa bosome mu wo afe mpem mmienu ne nsia mu (May, 2006) no, na wotasi afididan a wobeye sikakokoo ho adwuma wo mu no awie. Wode ani abu se, sika a wobehia de ahye asee ye amerika sika opepem ahanan ne aduonum (US\$ 450 million). Mfee dodo nso a wode betu sikakokoo wo asase no so ye mfee aduonu.

Wode Anodisem a efa Nhwehwemu a wotaye wo Fagudeetuo ho nsunsuansoo wo Atenaee no so (Environmental Impact Statement) komaa Ghana Adwumakuo a ehwe Atenaee ho Banbo nsem so (Ghana Environmental Protection Agency) wo Ebo bosome mu wo afe mpem mmienu ne nnan mu (Sept. 2004).

Nnipa mpem nnum, oha ne aduowotwe nnum (5,185 people) na wobehwere won adan, a ne dodo ye ahanwotwe ne aduonu mmiensa (823 households) ne won mfuo wo beaee a sikakokootuo yi beko so no. Bio, fidua ahodo ahanwotwe ne aduonon nwotwe (878 households) mu nnipa a won dodo ye mpem nnan, ahasa ne aduokron (4,390 people) na won ano aduane bebo won esiane se wobehwere won mfuo a ewo beaee ho.

Ne nyinaa mu no, fidua ahodoɔ apem baako, ahanson ne baako (1,701 households) a emu nnipa dodoɔ ye mpem nkron, ahanum aduonon nnum (9,575 people) na dwumadie yi ho nsunsuansoɔ beka wɔn.

Beaee Foforo a wɔbehwehwe ama nnipa akɔtena ho anammɔntuo ho Ntotoee (Resettlement Action Plan) yi kyerekyere nhyehyee, akwanhodoɔ a wɔbefa so ne sika dodoɔ a eɛe se wɔtua no nyinaa mu fann, na Adwumakuo no ne ɔmanfoɔ a nsunsuansoɔ no beka wɔn no ankasa na wɔbɔɔ mu toatoaa adwene, sɛdeɛ ebeye akwankyere ama Adwumakuo no wɔ mpatasika a wɔbetua ene sɛdeɛ wɔbema nnipa, fidua ahodoɔ mufoɔ ne mpɔtam ahodoɔ a Ahafo Anafoɔ Dwumadie ho nsunsuansoɔ beka wɔn no anya baabi atena no ho.

Beaee foforo a wɔbehwehwe ama nnipa akɔtena ho anammɔntuo ho ntotoee yi nso ye nhyehyee a wɔbehwe so aye ntotoee wɔ Ahafo Atifi Dwumadie no ho ne daakye dwuma foforo biara a wɔbedi wɔ Ahafo Anafoɔ Dwumadie no mu. Beaee foforo a wɔbehwehwe ama nnipa akɔtena ne mpatasika a wɔbetua ho anammɔntuo nyinaa wɔ Ahafo Atifi Dwumadie ho no begyina nnyinasosem, mmara ne akwanhodoɔ a wɔahyehye wɔ Ahafo Anafoɔ deɛ yi mu ara so. Nnipa dodoɔ a ani da kwan se wɔbehwere wɔn agyapadeɛ wɔ Ahafo Atifi Dwumadie no mu no ne deɛ asi wɔ Ahafo Anafoɔ deɛ yi mu beye pe.

Saa bere yi deɛ, nnipa dodoɔ a yenim se Dwumadie yi ho nsunsuansoɔ aka wɔn no nyinaa ho nsem wɔ saa Beaee Foforo ho Anammɔntuo ho Ntotoee (RAP) yi mu. Se dwumadie foforo biara hye asee wɔ beaee ho na eka fidua beye edu anaa deɛ eboro saa a, yebehyehye wɔn ho nsem foforo de aka saa Anammɔntuo ho Ntotoee yi ho.

Nhyehyee Ahodoɔ ne Mmara A ɛwɔ Ho

Ɔman mmara no de tumi keɛe ahye Ghana Ɔmanpanin nsa. Asofoɔ Agyinatukuo (Cabinet) a eye Ɔmanpanin, Ɔmanpanin Abadiakyire ne Asofoɔ kuo no na wɔbɔa Ɔmanpanin ma ɔhwe hyehye aban no nhyehyee nyinaa. Nnipa ahanu ne aduasa a wɔato aba ayi wɔn na wɔbeye mmarahyebadwafɔɔ a wɔhyehye mmara na wɔhwe asoɛɛ ahodoɔ ne aban nnwuma nyinaa dwumadie so.

Ghana wɔ amantam ahodoɔ du. Saa Dwumadie yi wɔ Bono-Ahafo Mantam mu. Mantam no mu Ntotoee Agyinatukuo (Regional Co-ordinating Council) no ne Aban ne Mansini anaa Kuroɔn Mmarahyebadwa ahodoɔ no di nsawɔsoɔ. Nnipa a wɔdidi soɔ yi na wɔye Mantam no mu Ntotoee Agyinatukuo: Mansini Akrakyɛ Mpaninfoɔ, Mansini Mmarahyebadwafɔɔ, Ahemfo Badwa no ananmusifoɔ mmienu, Mantam no Soafoɔ ne Mantam no Soafoɔ Abadiakyire.

Bono-Ahafo wɔ Mansini ahodoɔ dunkron. Na Dwumadie yi nyinaa nso rekɔ so wɔ Asutifi Mansini mu. Asutifi Mansini Badwa no na ɛwɔ tumi keɛe pa ara wɔ Mansini no mu. Mansini Badwa no mu nnipa ɔha mu nkyemu aduonon na wɔto aba yi wɔn (70% elected members) na ɔha mu nkyemu aduasa a aka no nso ye nnipa a aban yi wɔn ma wɔkɔka ho (30% government appointees). Ɔpanin a ɔda Mansini Badwa no ano ne Mansini Krakyɛ Panin a Ɔmanpanin ayi no na Mansini Badwa no mu nnipa nkyemu mmiensa mu mmienu (two-thirds members) agye no atom. Mansini Badwa no na wɔtoatoa adwene, hyehye mmara na wɔwɔ tumi de di dwuma biara, na wɔn nso na wɔhwe ye Mansini no mu mpɔntudwuma biara ho nhyehyee na wɔhwe ma ewie peye. Mansini Krakyɛ Panin no na ɔda Mansini Mpaninfoɔ Agyinatukuo (District Executive Committee) no ano. Nkuro nketewa, mpasua ne nkuraase agyinatukuo ahodoɔ no nso na wɔka bɔm ye Mansini Badwa Ketewa.

Ahemfo Badwa ahodoɔ no nso wɔ tumi pa ara, titire wɔ nkuraase. Wɔdi akotene wɔ asasekye ne eho ntotoeɛ mu pa ara. Dwumadie yi hye Asante Ahennie a ne tiri wɔ Kumase no ase. Asantehene, Otumfoɔ Osei-Tutu II de obuo ma ahemfo ahodoɔ a wɔn nyinaa di akonnwa no nso. Ahempɔn mmienu nso wɔ Asutifi Mansini mu wɔ Kenyase 1 ne Kenyase 2. Ahemfo (Adikurofoɔ) ne ahemfo nketewa bebreɛ nso wɔ Mansini no mu wɔ Ntotoroso, Gyedu ne Wamahinso.

Bono-Ahafo Mantam mu no, nnipa dodoɔ no ara na wɔte abusua fie na eho ara nso na abusua santene no nyinaa te bɔ bra- wɔn wiase ne wɔn fie nyinaa ne abusua fie ho. Abusua santene biara mu nnipa no firi awarefoɔ, abusua baako, deɛ ɛboro saa anaa fidua baako mu.

Nkuraase a ɛben baabi a Dwumadie yi wɔ no, wɔfrɛ baabi a abusua santene tetee no se kurom. Saa nwoma yi mu deɛ, yeato saa mmeamnea yi din se “nkuraase fidua”, ɛsiane se nkuraase fidua biara mu no, fidua beboro baako mu nnipa na wɔte ho. Afei nkuro akeseɛ a ɛben baabi a Dwumadie yi wɔ no nso, wɔfrɛ baabi a abusua santene tetee no se fihya. Saa nwoma yi mu deɛ, yeato saa mmeamnea yi din se “Nkuro Akeseɛ mu fidua”, ɛsiane se nnipa a wɔte ho no boro fidua baako mu nnipa.

Nnipa a wɔtete nkuro akeseɛ fidua mu no wɔ mfuo wɔ nkuraase a atwa ho ahyia no mu. Eto bere bi a, wɔko wɔn mfuo a wɔabobo sese wɔ mu no kɔdi mmere kakra wɔ ho. Ebi wɔ ho a, wɔko home, eho nso na wɔsie wɔn mfunnuane (nnɔbae). Saa sese a wɔabobo yi, nnipa a wɔfiri abusua (awarefoɔ) anaa fidua baako mu na wɔtaa tena ho. Mpre pii no, wɔn a wɔtaa tena saa beaɛ yi dodoɔ ye nnipa nnum.

Mmara ne nhyehyee ahodoɔ a ɛfa beaɛ foforo a wɔhwehwe ma nnipa kɔtena ho wɔ Ghanaman mu ha no mu ye kesenene kakra. Sedee ɛtee wɔ Abibiman ahodoɔ mu no, amanee a wɔye no mprenu ne adedie a krataa da so nso wɔ ha. Mmara a ɛfa sedee ankorankore betumi anya asase ne deɛ ɛfa beaɛ foforo a enam fagudeetuo ho dwumadie nti, wɔhwehwe ma nnipa kɔtena ho ho no wɔ Omanara ne mmara ahodoɔ mmienu bi mu. Yeinom nie:

Ommamara a wɔyee wɔ 1992 mu no bɔ ankorankore agyapadeɛ ho ban na ɛkyere anammɔntuo a ɛse se yetu wɔ beaɛ foforo a se aban gye obi asase a wɔhwehwe ma no no ho.

Oman Asase ho Mmara a wɔyee no 1962 mu no kyere akwanhodoɔ a ɛse se aban fa so gye asase ne mpatasika a ɛse se wɔtua wɔ asasegyee ho.

Fagudeɛ ne Fagudeetuo ho Mmara mu nsakraeɛ a wɔyee no 1992 mu no hye se, fagudeɛ a ɛwɔ beaɛ biara no ye Oman dea na ɛsane hye se, ɛse se wɔtua mpatasika a ɛfata ma obiara a ɛsiane fagudeetuo ho dwumadie nti, ɔbehwere n agyapadeɛ wɔ asase no so. Wɔde nsusuiie foforo a ɛfa fagudeɛ kyefa ho beko akoto Mmarahyebadwafɔ anim wɔ wɔn nhyiamu a eto so mmiensa wɔ afe yi (2005) mu.

Ghanaman Mmara Kunini (Ommamara) no da no adi pefee se, se aban gye nnipa bi asase a, ɛse se wɔhwehwe beaɛ foforo ma wɔko tena ho (na ɛnnye mpatasika nko ara). Oman Asase ho Mmara a wɔyee no 1962 mu no da no adi se, obiara a ɛsiane Oman dwumadie bi nti n agyapadeɛ ho bete kyema no, ɛse se wɔtua mpatasika ma no, na mmara no sane kyere kwan a ɛse se nnipa fa so de wɔn ahiasem koto Osoafɔ anim wɔ bere a wɔn ani annye mpatasika a wɔde ama wɔn no ho.

Adwumakuo a ehwe Asase ho nsem so (Land valuation Board) no na eye won asedee se wohwe sese mpatasika a ese se wotua ma obi wo n agyapadee a esiane oman dwumadie bi nti, asee no ho. Afei nso, won ara ne adwumakuo a wowo tumi se wohwe siesie mansosem biara a ebaba agyapadee bi ho mpatasikatua mu wo afanu biara ntam.

Mmara a ewo Ghanaman yi mu a efa fagudeetuo ho ne Fagudee ne Fagudeetuo ho Mmara a woyee no 1986 mu, a woyee mu nsakrae na afei, 1992 Omammara no nso hye mu kena. Saa mmara yi mu no, eda adi pefee se fagudee biara a ewo Ghana asase ne epo mu baabiara no ye aban dea. Ese se obiara a ope se onya kyefa wo fagudee biara mu wo oman yi mu no gye tumi krataa firi Osoafow a ohwe fagudee so, esiane se ono na osi oman no anan mu a tumi a ewo fagudeetuo ho no hye ne nsa.

Fagudee ne Fagudeetuo ho Mmara a woyee mu Nsakrae wo 1992 mu no hye se, obiara a owo kyefa wo fagudee biara mu anaa (Fagudeetuo ho tumi) no, ese se obo mmoden ye won a asase no ye won dea no ahiadee ma won. Ese se Adwumakuo biara a wotua won tumi a yede tu fagudee biara no tua mpatasika a efata ma asasewuranom wo won agyapadee ho kyefa a afiri won nsa no, afei nso, ese se wotua mpatasika wo asase, adan, nnwuma, ayemmoa, mfudee anaa nnua a wasee no wo beaee a fagudeetuo ho dwumadie no rekwo so no ho.

Mmara no hye se, ese se afanu no ankasa na wogyee mpatasika a efata no tom na “Land valuation Board” de mmara ataa to. Mmom, mmara biara nni ho a ekyere mpatasika a ese se wotua wo asase no ankasa ho.

Fagudeetuo ne Atenaee ho Akwankyere a woyee wo 1994 mu no kyerekyere akwanhodo a ese se yefa so hwehwe beaee foforo ma nnipa kotena. Yeinom ne:

Baabiara a nnipa tee a eben beaee a fagudeetuo ho dwumadie kw so, na esiane fagudeetuo ho dwumadie no nti wonni banbo ne asomdwoee no, ese se wope baabi foforo wo akyire ma won a ehwo te se baabi a na wowo dada no. Adwumakuo no na wobefa yeinom ho ka nyinaa (kratafa 11).

Atenaee ho Banbo ne Nhwewemu, Adansie ne Ntotoee ho Nhyehyee nso ye Mmara ne Nhyehyee afoforo a efa akwanhodo a wofa so hwehwe beaee foforo ma nnipa kotena no ho.

Efiri 1989 mu na wohyee se, ese se Adwumakuo biara a ope se odi fagudeetuo ho dwuma no de Nhwewemu a efa fagudeetuo ho nsunsuanso wo Atenaee no so koma mpaninfo.

Kuro ne Oman mu Adansie ho Ntotoee ho Mmara (Town and Country Planning Ordinance, Cap 84) a woyee wo 1945 mu, ne Nkuraase Amammuo ho Mmara (Local Govt. Act, Act 462) a woyee wo 1993 no nyinaa kyere sedee ese se wosisi adan wo beaee biara.

Ghanaman yi mu no, amammer ne nhyehyee ahodo na ekyere dee asase ye ne dea. Yeinom ne nhyehyee ahodo a edidi so yi:

Dee asase ye ne dea wo Amammer kwan so
Dee eye Oman dea
Dee amammer kyere se eye ne dea nanso oman na eye ehwo ntotoee biara (Dee wode ahye aban nsa).

Amammere kwan a ekyere se asase bi ye obi dea anaa obi tumi de asase ma ofoforo no ye bere a amammere a mpotam korɔ a asase no wɔ no da no adi saa pɛpɛpɛ. Esono sedee mmara ne nhyehyee a efa sedee obi nya asase anaa wɔde asase ma obi ho wɔ mpotam biara no tee. Saa nsonsonoe yi gyina sedee mpotam biara amammere ne wɔn asetenam nneyee tee. Asase a amammere kyere se eye nnipakuo bi dea no, mpre pii no, ehye ahwesofɔ bi nsa. Yeinom ne okandifo, (se ebia, ohene anaa abusuapanin) ne mpaninfo agyinatukuo bi a wɔnam mpotam ho amammere kwan so ayi wɔn, na wɔn na wɔtoto asase no ho nsem nyinaa. Mmara mu no, asase a ewɔ Asutifi Mansini mu no hye aban nsa, nanso, amammeresem di akotene wɔ eho ntotoe mu pa ara.

Se eba nsusuiie a efa mpatasika a ese se wɔtua wɔ asase bi ho, esiane fagudeetuo ho dwumadie bi a, wɔpe agyinatukuo a emu nnipa no ye ahemfo ne mpotam ho mpaninfo, na wone asasewuranom asusu ahunu mpatasika a efata se fagudeetuo Adwumakuo no tua.

Adwumakuo No Ahoboa

Adwumakuo no aboaboa adwumayefɔ a wɔwɔ osuahunu ne nimdee mapa ano. Adwumayefɔ yi bi wɔ nimdee wɔ beaee foforo a wɔhwehwe ma nnipa tena no ho, adwumayefɔ no bi bebɔ aporo na ebi nso betena ofese. Adwumayefɔ no bi nso wɔ Ahafɔ Dwumadie no Nkorabata a ehwe wone omanfo ntam nsem so. Adwumayefɔ yi nyinaa na wɔreye nhyehyee ne ntotoe biara a ehia se wɔye de di beaee foforo a wɔbehwehwe ama nnipa akotena ho anammɔntuo yi ho dwuma ma ewie pɛye.

Wɔn a wɔdi anim no ye Adwumakuo no mu adwumayefɔ mpaninfo ne animdefɔ a wɔn asedee ne se, wɔbehwe ama ntotoe ne anammɔntuo biara a efa asasegyee, mpatasika ne beaee foforo a nnipa bekɔ akotena ho nsem nyinaa adi mu. Nnipa a wɔka adwumayefɔ yi ho bi ne nnipa nnan bi a wɔye Dwumadie-bea Ntotoe ho Animdefɔ (Pro ect site Managers) a bere biara no wɔbetena dwumadie-bea ho, bio, mpaninfo mmienu a wɔnim de betena Nkran ena animdefɔ mmienu nso wɔ Canada.

Wɔakyekye Adwumayefɔ a wɔbehwe wone omanfo ntam nsem soɔ no mu ahodoɔ nnum. Yeinom ne:

Asase, adan, mfudee ne fidua ho nsem mu nhwehwemu adwumayefɔ
Dwumadie ho nsem ne nkontabuo adwumayefɔ
Ofese Ntotoe adwumayefɔ
Gyinaeesie ne mfidie ho nsem adwumayefɔ
Mpotam nkutahodie ne mpɔntuo adwumayefɔ

Aban nnwuma ahodoɔ a ewɔ Mansini, Mantam ne Kuropon mu no ka ntotoe ne anammɔntuo a wɔreye wɔ Beae foforo a wɔde Nnipa rekotena ho Anammɔntuo (Resettlement Action Plan) yi ho. Saa nnwuma ahodoɔ yi asedee ne se:

Wɔbeye se adansedifo wɔ nkɔmmɔdie ne adwenetoatoa a ebekɔ so wɔ beaee foforo a wɔde nnipa bekɔ akotena ho no mu.

Wɔbehwe ama akwanhodoɔ a ese se wɔfa so ma asasegyee ne mpeneso nhyehyee nyinaa di mu no awie pɛye.

Asasegyee akyire no, wɔbehwe aboa ama asetenam akadee ho ntotoe adi mu wɔ nkuraase a afei na nnipa akotena ho no.

Wɔayi nnipa bi se wɔnye Beae Foforo a Nnipa beko akotena ho Nkɔmmɔdie Agyinatukuo (Resettlement Negotiation Committee) a wɔn asedeɛ ne se wɔbehwe atoatoa adwene ahunu mpatasika a efata se wɔtua ma nnipa a Dwumadie ho nsunsuansoɔ beka wɔn. Beae Foforo ho Nkɔmmɔdie Agyinatukuo yi mu nnipa bi ne nnipa ana fiduamufoɔ a Dwumadie ho nsunsuansoɔ beka wɔn no mu bi, ahemfo badwa ananmusifoɔ, aban nnwuma ananmusifoɔ ne Atuhokye Akuhodoɔ ananmusifoɔ.

Beae A Dwumadie No Wɔ

Dwumadie-bea no nyinaa wɔ Asutifi Mansini mu. Afe mpem mmienu mu nnipakan a wɔyɛe no kyere se nnipa dodoɔ a wɔwɔ Asutifi Mansini mu nyinaa beye mpem aduowɔtwe (about 80,000 people), na se wosusu asase no wɔ ahinanan mu a ne keseɛ ye aborofo kwasini apem baako ne ahanum (1,500 km²). Mansini no mu nnipa dodoɔ na wɔte nkuraase. Kuro keseɛ kakra baako pe a eno ne (Kenya 2) na nnipa beborɔ mpem nnum (over 5,000 inhabitants) te ho.

Asoeeɛ a ehwe Nkuraase Amammuo ne Mpɔntuo so (Ministry of Local Government and Rural Development) kyere se, Asutifi Mansini ye beae a wɔnni hwee, asetena mu nnye koraa, wɔnni abraɔ mu akadeɛ bebree na afei nso, dwumadie a ede sikasem mpɔntuo ba no nnɔso.

Fagudeɛtuo Adwumakuo yi ama adwumakuo foforo a ne din de Opportunities Industrail ation Centers International (OICI), aye nnipakan dwumadie ne asetena musikasem mu nhwehwemu nam so ahunu fidua ahodoɔ a ewɔ Dwumadie-bea ho, na afei, wɔahunu fidua ahodoɔ a emu nnipa no wɔ mfuo wɔ Dwumadie-bea ho nanso wɔte baabi foforo. Nnipa asetenam nsakraeɛ ne sikasem mu nhwehwemu a OICI ne Adwumakuo yi yee wɔ Dwumadie-bea ho no ho nsunsuansoɔ no na edidi soɔ yi:

Fidua ahodoɔ ahanwɔtwe ne aduonu mmiensa na ewɔ Dwumadie-bea ho (823 resident households), na fidua ahodoɔ ahanwɔtwe ne aduonon nɔwɔtwe nso na enni Dwumadie-bea wɔ (878 non-resident households) a emu nnipa nyinaa dodoɔ ye mpem nkron ahanum aduonon nnum (9,575 persons) na wɔte ho ana wɔn mfuo wɔ ho.

Nnipakuo ahodoɔ bebree na ewɔ ho esiane se mfee beborɔ aduonum a atwam no, nnipa bebree atu kwan ako ho se wɔreko pe asase aye mfuo.

Nnipa a ewɔ Mansini no mu dodoɔ no ara ye akuafɔɔ a wɔnni sika papa biara esiane nnɔbeae ketewa bi a efiri abusua mfuo nketewa mu no nti.

Se woyi kuayɔ to nkyen a, dwumadie afoforɔ a ebetumi de sika aba no nnɔso, na afei, mpaninfoɔ a ewɔ ho no mu nkyemu mmiensa mu mmienu (2/3 of adults) nni nsaanodwuma biara ka kuayɔ ho.

Ɔhaw baako a edi nnipa a Dwumadie no ho nsunsuansoɔ beka wɔn no nya ne asase a wɔbenya aye so afuo.

Nwomasua mpempensɔɔ a nnipa dodoɔ no ara aduru no wɔ fam koraa na eno ne nnyinasoɔ baako a ema nnipa dodoɔ no ara nni sika, gye se wɔyɛ mfuo ne kwaeem adwuma.

Nnipa a wɔyɛ kua no mu dodoɔ no ara ye mmaa na wɔn nso na wɔyɛ nnwuma afoforɔ a ede sika ba no.

Nnịpa dodoọ a wọwọ mansini no mu ọha mu nkyemu aduonum mmiensa ne ẹfa na wọye mmọfra a wọadi firi 0-18. (53.5% children).

Mmaa anaa yerenom ka ho na wọsi gyinae wọ sẹdee wọkye sika a ẹfiri mfudee anaa ayemmoa a wọatọn no mu.

Sika dodoọ a afe biara fidua biara mufọọ nya no mu ọha mu nkyemu aduanan (40%) kọ aduanedie mu na emu ọha mu nkyemu dummienu (12%) nso kọ nwomasua mu.

Nnooma bebree a eye susudua wọ abrabọ pa ho no da adi se asetenam nnye, na wọnni abrabọ mu akadee bebree. Nnooma bi te se nsuo pa, ahotee ne apomuden ho nsem ye den ma wọn.

HI /AIDS ase atre aduru ọha mu nkyemu mmiensa ne akyire pọ nnan (3.4% HI /AIDS level).

Sikakọkọtuo Adwumakuo yi afa adwumakuo foforo a wọye asase ho nsem mu nhwehwemu se wọnye nhwehwemu sẹdee ebeye a wọbehunu mfuo a ẹwọ sikakọkọtuo-bea họ nyinaa. Adwumakuo yi nam nhwehwemu a wọyee wọ mfuo ahodoọ no ho mfonі so aye nhwehwemu foforo de ahunu mfudee ahodoọ a ẹwọ mfuo no nyinaa mu. Ekuo bi a mfudee ho mpatasika ho nsem hye wọn nsa kọọ afuo biara mu, kọtwere mfudee dodoọ a ẹwọ beaee anaa afuo biara mu, wọ bere a afuowura no ne akuafoọ-hene a ọwọ beaee họ nso ani tua mu bie.

Adwumakuo yi afa adwumakuo foforo a aban agye wọn atom se wọtumi bu nnooma anaa adan ho nkontaa hunu ne boọ, se wọnye nhwehwemu nhunu adan dodoọ a ẹwọ sikakọkọtuo-bea họ na wọnsese emu biara ho boọ. Adan/Nnooma ho boọ nkontabuo adwumakuo no nso abọ mmọden atwere biribiara a ẹfa adan ne agyapadee ahodoọ no nyinaa ho, se ebia, nnooma a wọde sii adan no, nnipa a wọte mu, nnooma a ẹwọ mu, dan no kẹsee, mfee dodoọ a adie, adan no tebea ne dee eye ne dea. Wọtwere yeinom nyinaa wọ bere a ne wuranom ani tua mu bie.

Efiri Dwumadie-bea họ reba beye aborofo kwansini kakra no, mpọtam ahodoọ nnum na ẹwọ họ. Yeinom ne Gyedu, Wamahinso, Kenyase 1, Kenyase 2 ne Ntotoroso. Sikakọkọtuo-bea họ nso, nkuraase nnum na ẹwọ họ. Yeinom ne: Dokyekrom, Kodiwohia, Kwakyekrom, Manushed ne Yawusukrom. Fidua ahodoọ beye apem baako na ẹwọ họ.

Mpọtam anaa nkuro a esoso kakra wọ Mansini no mu ne baabi a ahempọn anaa ahemfo nkumaa di adee. Saa mmeammae yi na dwadie kọ so wọ mansini no mu. Eho nso na abrabọ mu akadee te se anyinam ahoođen ne nsuo pa wọ, afei, asetena mu ahiadee te se sukuu ne ayaresabea nso, eho na wọbehunu bi. Kenyase ne Mansini no Kuropọn. Nkuraase ahodoọ nso toatoa so a dwadie nkakrankakra kọ so, na eto bere bi a, mfitiasee sukuu hye asee wọ họ. Nkuraase yi ne: Dokyekrom, Kodiwohia, Kwakyekrom ne Yawusukrom. Mfuo ahodoọ a wọn a wọtete họ no ara ye mu kua nso atwa họ ahyia. Fidua ahodoọ bi nso ate wọn ho wọ beaee họ. Fidua no taa wọ mfuo ahodoọ a ẹwọ họ no mu anaa se mfuo no nkyen na wọn a wọte saa sese ahodoọ yi mu na wọye mfuo no mu nnwuma.

Mpọtam họ amammere da no adi pefee se, efie anaa edan biara ye dee ọsiie no dea na ennye asasewura anaa onii a edan no si n asase soọ no dea. Yei nti, wọn a baabi a wọtete no nnye wọn ankasa dea no nnọso koraa. Nnịpa a wọnni wọn ankasa fie wọ sikakọkọtuo-bea họ no ye wọn a wọkọ beaee họ nkyereee a wọnnya nsii wọn ankasa adan.

Nnipa dodoɔ no ara na wɔye kuadwuma a emu no, wɔgyae asase no to ho kakra kɔɔ baabi foforo na bere kakra akyi wosane ba so bio. Asase a wɔgya to ho ma asase mu nnepa sane dɔre no ne kuadwuma nhyehyee pɔtee a ewo ho. Saa nhyehyee yi nso boa ma wɔnya nnooma bebree te se nnu a wode si adan, bukyiagya, mfunnuane ne nnuro. Saa nhyehyee yi boa ma asase no sane dɔre nnepa a efirii mu wo bere a wɔye so adwuma. Dee akuafoɔ no ye ne se, wɔgya asase no to ho mfee bebree na akyire no wosane ba so bio bedua mfudee a wɔbedi ne dee wɔbetɔn anya sika. Akuafoɔ no ka se, bere bi a atwam no na wɔgya asase no to ho beye mfee dunum ne akyire, nanso, enne yi ennuru mfee nnum mpo.

Nsonsooe da Asase so Dwumadie ho tumi/kyefa (land use rights) a asasewura wo ne dee wabegye asase no ntam. Mpre pii no, asasewura a agyapadee ye ne dea no na wo tumi se odi dwuma wo asase no so anaa ode ma woforo ma ye so adwuma. Nhyehyee a ewo ho ne se, asase so dwumadie ho tumi no, wɔgye firi ahemfo ne abusua mpaninfoɔ ho anaa adedie mu. Na kwan a obi fa so nya tumi ye asase so adwuma ne se wɔbeko akobisa, na ekowie se wɔkye mfudee no mu anaa se wane asase no.

Fidua bi mu nipa betumi aye asasewura wo afuo baako so, wɔbetumi ne obi akye mfudee wo asase foforo so na afei, wɔbetumi nso aye asase so hwefo wo baabi foforo.

Dee edidi so yi na ewo Dwumadie-bea ho:

Sukuu ahodoɔ nnan

Ayarehwebea/Ayaresabea biara nni ho

Anyinam kanea nni ho

Nnipa a wowo ho no mu waha mu nkyemu adunan mmieniu (42%) nko sukku da.

Sika a eba fidua biara mu no sua koraa esiane se won mu dodoɔ no ara beye waha mu nkyemu aduokron nnum (95%) ye akuafoɔ a dee wɔbedie nko ara na wɔdua na dee wɔtɔn no nso ye mfuo nketewa bi a eno nko ara ne dwuma a wodie.

Woyi kuadwuma to nkyen a dwumadie afoforo a wodie ma won nsa ko won ano ne dwadie, adekyere ne nsanoa.

Mpaninfoɔ a wowo ho no mu nkyemu nnan mu baako (one quarter of adults) na wonni nsaanodwuma foforo biara.

Sika a efiri afuyɔ ne nnwuma afoforo mu ba ankorankore nsam no nso sua koraa. Nnwuma afoforo no bi ne konkonse, nnuanenoo, adepam, adan ne nsase a wode hane, adwumapon bere mu akatua (pension), dwetire a nnipakuo bi de di dwuma ene kuayɔ (afuyɔ) ho mfidie a wode hane.

Atiridii ne yaree a eredi won nya pa ara, na nyerewa ho amaneebo kyere se, atiridii ye waha mu nkyemu aduanan nnum (45% of ill health reports is malaria).

Mfudee a wɔtɔn nya sika no ne kookoo, abe, teak, aborobe ne akutuo.

Mfunnuane a wodie na wotumi ton bie nso ne dee borofa kasa mu yefre no cereals a ebi ne (aburo, emo ne dee ekeka ho) afei, mfunnuane a aka no ne adua, nkate, borodee, bayere, mankani, atosodee ne bankye.

Wanni mfunnuane akoraee papa biara na afei nso, wanni nimdee biara wo sedgee wobehwe mfudee a wotwa no so ho.

Fidua dodoo no ara na woyen mmoa te se nkokoo, nnwan ne mponkye wo mu wo Dwumadie-bea ho.

Nnooma a omanfooo no wo no bi ne radio, pikyi (mpa), saakere, waakye ne adepam afidie.

Nnwuma akesee a ewo ho ara ne Kookoo-Ton Adwumakuo no apata ahodoo nnan ne mfidie a eyam adee ahodoo nsia.

Kwan ketewa anaa anammoo kwan baako a saakere tumi fa so na eka mfuo ahodoo ne afie-afie bom, na akwantempon mmiensa nso na ewo ho a eka fidua ahodoo ne dwabibea a ewo Ntotoroso ne Kenyase no bom.

Abusua dodoo no ara na wowa adan ne agyapadee aforoo bi. Wode nnooma a wonya no ho ara no na aisisi won adan. Nnooma no bi ne se wode dotee na aye fam ho, dotee ne mpapa na wode aye ofasuo no na afei nso, mmerekensono na wode akuru won adan no so.

Adwumakuo no susu se mfuo dodoo a ewo sikakokootuo-bea ho no ye mpem nson, oha ne aduokron mmiensa (7,193 farm fields) a egye asase a ne kesee ye poolu/eka mpem mmienu, ahanan ne aduonu nsia (2,426 hecta). Yei ye sikakokootuo-bea ho asase no mu oha mu nkyemu aduonon nwoowe (78% of Mine Area). Afuo baako biara kesee beye poolu/eka 0.34 wo beaee ho. Adwumakuo no ahye no nso se asase a wogya to ho ma esane dore nnepa no gu mu ahodoo mmienu. Yei nom ne: Asase a ewo anim ne asase a ewo akyire. Asase a ewo anim no ne dee ewo baabi a afuo no wo na ne kesee ye asase no nyinaa oha mu nkyemu dunkron (19%). Asase a ewo akyire no ne beaee a ewo afuo no akyi. Asase no fa kesee a wonnuaa hwee wo so wo Dwumadie-bea ho no na won a wowa dwumadie-bea ho fa no se eye asase a ewo akyire. Yei nti, dee edidi so yi ka sikakokootuo-bea ho nyinaa ho:

mfuo a ne nyinaa kesee ye poolu/eka mpem mmienu, ahanan aduonu nsia (2,426 hectares of cropped fields)

Asase a woye so afuo a ne kesee ye poolu/eka apem baako, ahankron aduosia nnum (1,965 hectares of actively cropped land).

Asase a wogya ato ho a ewo akyire na ne kesee ye eka ahanan aduosia baako. (461 hectares of interior fallowed land).

Asase a ne kesee ye eka/poolu ahansia aduowotwe nnum a wonnue so afuo.

Asase a wonnue so afuo no, ne kesee a eboro oha mu nkyemu aduokron nnum (95%) na wogya ato ho, dee aka no ye baabi a nnipa tetee ne lore akwan.

Obenem 2003 mu a Adwumakuo no ne omanfooo ntam nkutahodie wo Dwumadie no ho mu yee den no, ebedaa adi se, ese se Adwumakuo no tua mpatasika wo adan ne mfudee ho wo sikakokootuo-bea ho. Efiri saa bere no de besi enne, sikakokootuo-bea ho na wode won ani asi pa ara, esiane se:

Nnipa a wotete sikakokotuo-bea ho no asisi adan afoforo, woado mfuo afoforo na woadua mfudee a esom bo.

Nnipa a na wonnte sikakokotuo-bea ho nanso na won mfuo wo ho no nso asisi adan, aye mfuo afoforo na woadua mfudee a esom bo wo sikakokotuo-bea ho.

Nnipa a na kane no wonnte sikakokotuo-bea ho anaa wonni afuo biara wo ho no atu abetena ho anya asase resi adan, asane reye mfuo wo ho.

Adansie ne afuyo a ereko so wo sikakokotuo-bea ho ho adwendwene ako so ara abesi enne, emmfa ho se bere a wode sii ho ma mpatasika-tua no apa ho (atwam).

Dwumadie No Ho Nsunsuanso

Adwumakuo no abo mmoden ama Dwumadie yi ho nsunsuanso a anka ebeba omanfo agyapadee ne won asetenam - sikasem so no ate aye ketewa kora, esiane se, dwuma ahodo a anka ese se wodi wo sikakokotuo yi ho no, wate so, na afei, wama ekwan a anka ebada nkuraase ne sikakokotuo-bea ntam no mu aye tenten.

Nnipa a Dwumadie yi ho nsunsuanso beka won no ne “won a wote beaee ho”, ene won a wonnte beaee ho”. Won a wote beaee ho no ne nnipa a won adan (afie) wo sikakokotuo-bea ho anaa wosii won adan wo Ogyefuo 10, 2004 anaa ansana saa da yi rebeduru. Adwumakuo no atumi ahunu se fidua ahodo ahanwotwe aduonu mmiensa (823 households) na ewo beaee ho a emu nnipa dodo ye mpem nnum oha ne aduwotwe nnum (5,185 population) a ekyere se efie biara mu nnipa beye 6.3. Saa fidua ahodo yi nyinaa ye nkuraase, na Kodiwohia na wotumi hunu se fidua doko wo ho pa ara a ne dodo ye oha ne dunson (117 households) na afei, Kwakyekrom nso, fidua ahodo aduwotwe nkron (89 households) na ewo ho.

Fidua biara wo edan a wosasi awie- a eye dee wote mu ne dee wonnte mu. Adan yi mu dodo no ara na eye dee wosiie se wode bere mpatasika. Bebre wo ho a nnipa ntena mu da na ne wuranom nso nyee won adwene se wobetena mu.

Fidua biara mufo tumi do mfuo nnum a ne kese ye eka baako ne akyire po nson (1.7 hectares). Asase a woye so afuo no nyinaa kese ye eka/poolu apem baako ne ahasa aduokron nkron (1,399 hectares). Wosane wo asase a woye ato ho se emu nnepa no nnoe bio.

Fidua ahodo nwotwe na woye won ankasa nnwuma nketewa bi: Won mu nsia wo mfidie a yede yam adee na mmienu a aka no nso wo Kiosks a woton adee wo mu. Dodo no ara nso na wokye gari na ebinom nso noa Akpeteshie. Yei nom ye fidua mu dwumadie ahodo a ennye den se wobeyi afiri ho ako baabi foforo.

Fidua ahodo a ewo beaee ho no gu mu akuo mmienu:

Won a won afie wo sikakokotuo-bea ho na eh ara na wotee.

Won a won afie wo sikakokotuo-bea ho na ennye ho na wotee ptee

Fidua a edi kan no dodo ye ahasa aduokron nkron na emu nnipa nso dodo ye mpem mmienu ahanum aduokron nnan - kyere se, efie biara mu nnipa ye 6.5 (6.5 person /household). Saa nnipa yi beko akotena beaee foforo mmienu a Adwumakuo no asisie ho no mu baako mu. Fidua a eto so mmienu no nso mufo wo baabi foforo a wotee wo mansini no mu anaa watu afiri won afie a ewo sikakokotuo-bea ho akotena baabi foforo a enni mansini no mu. Saa fidua no dodo ye ahanan aduonu nnan (424 households), na emu nnipa nso dodo ye mpem mmienu ahanum aduwotwe nsia kyere se efie biara mu nnipa ye 6.1 (6.1 persons/households).

Fidua ahodoɔ a ɛwɔ ekuo a ɛto so mmienu yi mu no, deɛ wɔbɛyɛ wɔn ne sɛ, sɛ wɔpɛ a wɔbɛma wɔn mpatasika wɔ baabi a wɔn ankasa akɔtena no ho, nanso gyese, Beaeɛ foforo ho Nkɔmmodie Agyinatukuo no aye nhwehwemu ahunu mpatasika a ɛfata wɔn mu biara.

Nnipa (fidua ahodoɔ) a wɔnnte sikakɔkɔtuo-bea ho no ne wɔn a wɔwɔ nsase, wɔ mfuo anaa wɔwɔ wɔn ankasa nnwuma wɔ beaeɛ ho. Yei nom na Dwumadie yi ho nsunsuansoɔ beha wɔn sikasem no.

Sedeɛ mmara no tee seesei ne sɛ, fidua ahodoɔ muforo a wɔnnte beaeɛ ho no nni adan biara a wɔasi awie. Deɛ wɔwɔ ara ne adan ahodoɔ ɔha ne aduonu mmienu (122 structures) a na wɔnnsi nwieɛɛ wɔ bere a mpatasika-tua da no paa ho. Nanso saa nnipa yi asisi adan beye ahasa ne aduonum wɔ bere a mpatasika-tua da no atwam. Yei kyere deɛ nti a na wɔredwendwene deɛ ebesei wɔ beaeɛ ho no ho. Deɛ ɛwɔ mu ne sɛ, wɔnntua mpatasika biara wɔ saa adan yi mu biara ho.

Adwumakuo no aye nhwehwemu nam so ahunu sɛ fidua ahodoɔ ahanwɔtwe aduonon nwɔtwe 9878) a emu nnipa nnte beaeɛ ho no wɔ mfuo wɔ ho. Nnipa dodoɔ a wɔte saa fidua ahodoɔ yi mu ye mpem nnan, ahasa aduokron (ɛfie biara mu nnipa ye nnum). Nnipa a wɔwɔ saa fidua ahodoɔ yi mu te mpɔtam a ɛben sikakɔkɔtuo-bea ho mmeamma yi ne Kenyase 1 ne 2, Ntotoroso, Gyedu ne Wamahinso, na wɔtete nkurase fidua mu a atwa sikakɔkɔtuo-bea ho ho ahyia. Saa nnipa yi ara nso na adan dodoɔ a wɔnnsii nwieɛɛ ne deɛ ɛmfata sɛ wɔsi wɔ beaeɛ ho no nyinaa ye wɔn dea.

Fidua ahodoɔ a emu nnipa nnte beaeɛ ho no mu biara tumi ye mfuo mmiensa a woka ne nyinaa bo mu a ne keseɛ ye eka/poolu ahanwɔtwe aduowɔtwe nwɔtwe (888 hectares). Wɔsane wɔ asase a wɔagyia ato ho sɛ emu nnepa no nnɔre bio.

Ne tiawatwa mu no, fidua ahodoɔ apem baako ahanson ne baako a emu nnipa dodoɔ ye mpem nkron ahanum ne aduonon nnum (population of 9,575) na dwumadie yi ho nsunsuansoɔ beka wɔn. Yei kyere sɛ ɛfie biara mu nnipa dodoɔ beye sɛ nnum. Fidua ahodoɔ a ɛdidi soɔ yi wɔ sikakɔkɔtuo-bea ho:

Adan dodoɔ apem baako, ahanan ne aduonu nsia, emu ahanwɔtwe aduosia mmienu na ɛye adan a wɔasi awie, na adan ɔha ne aduanan mmienu na wɔnnsii nwieɛɛ (142 incomplete structures) na afei, adan dodoɔ ahanan aduonu mmienu na ɛmfata sɛ wɔsi si beaeɛ a ɛwɔ no (422 ineligible structures).

Ankorankore nnwuma ahodoɔ nwɔtwe, emu nsia ye mfidie a ɛyam adeɛ na mmienu nso ye “kiosk” a wɔtɔn adeɛ wɔ mu.

Mfuo dodoɔ mpem nson, ɔha ne aduokron mmiensa (7,193 fields) a asase no keseɛ ye eka/poolu mpem mmienu, ahanan aduonu nsia. Yei kyere sɛ ɛfie biara wɔ mfuo nnan a asase no keseɛ ye poolu baako ne akyire po nnan (1.4 hectares per household).

Mpɔtam hofoɔ nnɔɔma a ɛwɔ sikakɔkɔtuo-bea ho a ebeseɛ ne: sukuu adan ahodoɔ nnan, Kookoo-Tɔn Adwumakuo no apata nnan ne lore akwan mmienu, na afei, anammɔn kwan bebreɛ.

Adwumakuo no gu so resiesie beaee foforo wo Kenyase 2 kurotia a wobefre ho Ola Atenaee foforo Akuraase. Woresiesie beaee foforo nso wo Ntotoroso a eho nso wofre no Ntotoroso Atenaee foforo Akuraase. Woreye yei ama fidua ahodoa ahasa aduokron nkron a wohia ateneae foforo. Saa fidua ahasa aduokron nkron yi mu no,

emu ahasa ne dummienu a nnipa a wotete mu dodoa ye mpem mmienu ne aduonu nwotwe beko akotena Ola Atenaee foforo Akuraase ho na aduowotwe nson a emu nnipa dodoa ye ahanum ne aduosia nsia nso beko akotena Ntotoroso Atenaee foforo Akuraase.

Mfee mpem mmienu ne nnan mu no, na fidua ahodoa apem baako, ahanson ne aduonon a emu nnipa dodoa ye mpem nwotwe, ahasa ne aduonu baako na wote Kenyase 2, na afei, fidua ahodoa ahanum ne aduonum nson a emu nnipa dodoa ye mpem mmienu, ahankron ne aduonum mmienu na wote Ntotoroso. Fidua ahodoa a yebere beaee foforo ama won wo ho no kyere se, fidua afoforo zha mu nkyemu aduonu (20%) beko akoka dee ewo ho dada no ho na nnipa no nso zha mu nkyemu aduasa (30%) beko akoka nnipa dodoa a ewo Kenyase 2 no ho, saa ara nso na fidua afoforo zha mu nkyemu dunum (15%) ne nnipa dodoa zha mu nkyemu aduonu (20%) beko akoka dee ewo Ntotoroso dada no ho. Nnipa dodoa a wobeko akoka saa mpotam mmienu yi ho nyinaa akyire no, ennye adee a ahokyere beba bebre. Saa mpotam mmienu yi a won ne Ntotoroso ne Kenyase 2 no, hunu saa "mpotam ahohoye" asedee yi se eye adepa a mfasoa mapa wo so. Ahemfo badwa ne aban nnwuma ahodoa a ewo saa mpotam mmienu yi mu no na wosree se saa ateneae foforo nkuraase no mmra won ho esiane se wohunu se ebeboa won sikasem mpontuo.

Adwumakuo no nnyee nhwehwemu nnhunuu Dwumadie no ho nsunsuansoa a ebeba nnipa dodoa ne adan ahodoa no so wo "ahohoye mpotam" ho anaa mmeamma afoforo a ewo mansini no mu. Mmom, eda adi pefee se, mpatasika no mu fa kesse no ara reko adansie ne adan mu ntremu sedee ebeye a abusuafoa benya baabi ada na wode bi nso ahane ahohoa.

Adwumakuo no rebu mmaden se wobefa nnipa a wowa mpotam ho ara, na afei nso, wofa adwumayefoa no firi fie ko dwumadie-bea ho na wosane de won aba fie. Woreye yei sedee ebeye a nnipa mmfiri mmeamma mmebu mmpree so wo mpotam ho, nanso wotumi hunu se nsakrae kakra aba mpotam ho, na eye adee a eha ahemfo, mansini mmahyebadwafoa ne ankorankore bebre esiane se ede zhaw aba asetenam akadee so, titire agyanan ne ahonidie.

Wone Omanfo Ntam Nkudahodie

Adwumakuo no nkorabata a wone omanfoa di nkutaho no taa ne mpotamfoa no nya nkudahodie dabiara na bere-ano-bere-ano nso, wone ahemfo, amanyekuo mu mpaninfoa, won a dwumadie ho nsunsuansoa ka won, mmabunu ne omanfoa nyinaa di nsawosoa toatoa adwene wo nsem bebre ho. Enam saa ma gyedie aba wone omanfoa ntam na abue amaneebu kwan ama won a wowa dwumadie yi mu kyefa no nyinaa.

Ennye adee a ebeye yie se wo ne ankorankore bi besusu mpatasika-tua ho nsem, beaee foforo a nnipa beko akotena ne mpontuo ho nsem. Yei nti, Adwumakuo no tee Nkommodie (Adwentootoa) Agyinatukuo a ne din de Beae Foforo ho Nkommodie Agyinatukuo (RNC). Se saa agyinatukuo yi wie beaee foforo ho dwumadie nyinaa a, agyinatukuo foforo a ne din de Mpotam Nsawosodie Agyinatukuo (CLC) beba abehye RNC aman mu. CLC na wobehwe aye ntototee biara na afei, wawahwe ama Asetenam Mpontuo ne Omanfoa Ntetea Dwumadie (LEEP) ho nhyehye no awie peye.

Nkutahodie ne adwenkyere a edii kan koo so wo Beae Foforo ho Nkoomodie Agyinatukuo (RNC) ne omanfo adwentoatoa mu no akofa nsusuiie a Adwumakuo no nso de too dwa no so.

Efiri obenem 2003 mu de besi bere a wotee RNC wo Ogyefuo, 2004 mu no, Adwumakuo no ne omanfo yee beae foforo ho adwentoatoa nhyiamu mmaako-mmaako dummienu. Botae a wode yee nhyiamu yi ne se:

Wode Dwumadie no ho amannee beto won a wowa mu kyefa no anim
Wobeyiyi nsemmisa ano na wotwere omanfo ahiasem ato ho
Wobebo omanfo amannee se wobefa nnipa dodoo adwenkyere so ahyehye mpatasika, akwan a wobefa so atua mpatasika ne sika patee a ese se wotua, eno nti ese se omanfo no yi won ananmusifo a wobegyina won aman mu asi gyinae.

Womaa ho kwan maa Omanfo de won ho fraa mpotam nhyiamu dwumadie ahodoo no mu. Woyee nhyiamu dwumadie ahodoo no maa akuo ne nnwumakuo patee bi. Botae titire nti a woyee nhyiamu dwumadie yi ne se wobebo omanfo amannee afa anammwon a woretu wo atenee foforo a worepe ama nnipa no akotena ho ne mpotam ho mpontuo ho.

Mpotam a ehoo so kakra no dee wonam agodie (se ebia yikyere ne dee ekeka ho) so booo omanfo amannee faa atenee foforo a worepe ama omanfo akotena ho, mpatasika ne dwumadie no ho nkutahodie a ereko so no ho. Wotoatoaa adwene faa mpatasika a wode bema no ho, ekwan a se obi wo adwenkyere bi a obetumi afa so de ato dwa, adansie ntwesen ho nhyehyee ene amannee a wode ato dwa se wonntua mpatasika wo edan a ebia obi abo ne tirim po se anka orebesi ho.

OICI agyinatukuo no ka nkyerekyere dwumadie a woreye ama omanfo no ho, esiane se woye asetena ne sikasem mu nhwehwemufoo na wowa nimdee mapa wo fiduam adwumayofoo ne mpotam mpontuo nhyehyee no ho. Esiane se wone mpotam hofoo adi nsawosoo firi afe 2003 nti no, wonim won yie a nti wobetumi agyina won ne Adwumakuo yi ntam wo nkutahodie mu.

Atenee foforo ho nkoomodie ne eho ntotoee nyinaa mu no, eye a nkutahodie ho hia omanfo no pa ara. Yei nti, Adwumakuo yi ne won a dwumadie yi fa won ho no adi nsawosoo nam so ayo dee edidi soo yi de asi nkutahodie no ho fapem.

Wone won a dwumadie no fa won ho no mu dodoo no ara atoatoa adwene afa Dwumadie no ho, a ohaw ne mfasoo a ebefiri mu aba nyinaa ka ho bie.

Wopara kane Polisi Panin (IGP se atenee foforo ho Nkoomodie Agyinatukuo no otitenani).

Wopara agyinatukuo bi a ebegyina nkutahodie no ntam.

Wobooaboo won a dwumadie no de ohaw abre won/womama fidua mufoo ne nananom atenankonnwa apa nnipa abeka atenee foforo ho nkutahodie agyinatukuo no ho.

Wooto nsa afre amanyokuo akandifoo, aban nnwumakuo ne atuhookye akuhodoo a dwumadie yi ho nsem fa won ho no se eye a wommetie dee ereko so wo Atenee Foforo ho Nkutahodie Nhyiamu ase bi se adansefo.

Afe 2003 mu no, Adwumakuo no hyee se won a dwumadie no fa won ho no mu dodoo no ara mpa anamusifoo mmesi won anan wo Atenaee foforo ho Nkoommodie Agyinatukuo no mu. Yei nti wopa won mu bi gyee won too mu wo won mpotam ne akuhodoo nhyiamu ase se wonkosi won anan mu.

Ogyefoo da a eto so edu wo afe 2004 mu no, na Atenaee foforo ho Nkoommodie Agyinatukuo no yee won nhyiamu a edi kan. Eduruu Osanaa 2005 no na Atenaee foforo ho Nkoommodie Agyinatukuo no ahyia mpre aduasa baako.

Won a wowa ananmusifoo wo Atenaee foforo ho Nkoommodie Agyinatukuo no so no ne Nananom Atenankonnwa, Mansini Mmarahyebadwa, Aban, won a dwumadie no ho nsunsuansoo ka won/fidua ahodoo a ewo baabi a wotu sikakokoo no ne fiewuranom, won a wone akuafooo no kye mfudee na afei ahwesofoo.

Atenaee foforo ho Nkoommodie Agyinatukuo Nhyiamu na wonam so toatoa adwene fa mpatasika nhyehyee ahodoo nyinaa ho. Enam saa nhyiamu koroo yi ara so ama ayonkofa mapa abeda Adwumakuo yi ne won a dwumadie yi no ho nsunsuansoo ka won no ntam. Enam saa ayonkofa yi so ama agyinatukuo no atumi asiesie atenaee foforo no ho manso, de won adwene asi nsem a ehia pa ara so, atoto nnooma yie asane anya adagyee wo ankorankore ohaw a wode beto won anim ho.

Nkutahodie yi nyinaa mu no, wofa amammere kwan so ma omanfoo hunu dee ereko so a wonnkata hwee so. Atenaee foforo ne eho manso nsiesie nyinaa mu no, wofa nimdee mapa kwan so atoto biribiara yie, yei nti ama omanfoo no hunu se wowa kyefa mapa wo dwumadie no mu. Atenaee foforo ho Nkoommodie Agyinatukuo no ate ekoo foforo bi a wofre no Beae Hwehwe ho Agyinatukuo.

Saa agyinatukuo yi nne won ho na mmom mmuae biara a wobanya afiri won dwumadie mu no wode koto Atenaee Foforo ho Nkoommodie Agyinatukuo no anim. Dwumadie ahodoo nnan a edidi soo yi na Atenaee foforo ho Nkoommodie Agyinatukuo no de hyee Beae Hwehwe ho Agyinatukuo no nsa maa wodii ho dwuma.

Se wompe beae a wode wona worebetu won no beko akotena.

Wonye nsakraee wo adan a woadrdrwo wo krataa so se worebesisi no ne nsase a wobesisi adan no wo so no nhyehyee nyinaa mu,

Wonhwe nhunu won a wose fata mpata (efa no dwumadie no nhyehyee nyinaa mu ne pene a wobepene so, ma a womma obi baabi foforo nntena anaa wonntua mpatasika biara mma no ho).

Wonye ntotoee mfa nnooma a waboo won tirim po se wobeye ene dee ehia se wode si won ani so di ho dwuma ho.

Osanaa da a eto so 24, afe 2005 duruie no, na Beae Hwehwe ho Agyinatukuo yi ahyia mpre aduonum nkron.

Atenaee foforo ho Nkemmodie Agyinatukuo no tumi sii dee edidi soɔ yi ho gyinaee.

Wobeyee adwenkoro wo eda a mpatasika-tua da twam ho

Mpatasika a esee se wotua wo mfudee a ebesee ho

Adan a wobesisi no su ne ne ban

Kwan a wobefa so adi atenaee foforo a wode bema ne mpata ahodoɔ no ho dwuma.

Ogyefuo 10, afe 2004 ne da a etwa toɔ koraa a se eduru ho a wonntua mpatasika mma obiara bio. Saa deeti yi kyere bere a obi a ote sikakokootuo beaee ho bi no, wo ho kwan se obisa ma woma no mpata wo biribi ho. Enkopem se saa eda no betwam no, esee se wotua mpatasika wo agyapadee biara ho (mfudee ne dee ekeka ho ho) a ewo sikakokoo beaee ho no, nanso agyapadee/afuo biara a wobeyee wo bere a wahaɣe yi akyi no dee wonntua mpata biara wo ho/wonnyi won nko atenaee foforo biara.

Mfee 2000, 2001 ne 2003 mu no, Adwumakuo yi nam wone nnipa ne akuhodoɔ a dwumadie yi fa won ho ananmusifoɔ a wopa won ntemso hyehyee mpatasika a esee se wode ma.

Adwumakuo yi gyinaa eno so tuua mpatasika maa akuaforo wo ohaw a sikakokoo no tuo de aba won mfudee so no ho.

Wosii gyinaee faa sika kakra a afe mu esee se wode ka ho tua ma omanfoɔ esiane nnooma boɔ soroko ne sikasem mu nsakraee ahodoɔ nti.

Afe 2004 mu no, Adwumakuo yi sane ne saa ananmusifoɔ a wopa won ntemso no sii nkonwa sedee woye no afe biara mu no. Wonam yei so sakraa mpatasika a wotua no mu.

Bosome Ogyefuo mu na wode eho nsem kotoo Atenaee ho Nkemmodie Agyinatukuo no anim. Atenaee ho Nkemmodie Agyinatukuo no yee emu nsakraee hwe maa wode oha mu nkyemu nnum kaa mpatasika ahodoɔ no mu biara ho.

Oubuo, 2004 mu no, Adwumakuo a ebo Atenaee ho ban (EPA) yee badwam nkyerekyere dwumadie bi nam so hwee Dwumadie ho Nsunuansoo wo Atenaee so Anodisem a Adwumakuo no atintim no. Saa badwam nkyerekyere dwumadie yi ase na beaee foforo ho dan-kora baako kesee ho nsem betoo dwa. Saa bere yi nso na Atenaee foforo ho Nkemmodie Agyinatukuo (RNC) ne omanfoɔ atoatoa adwene agye dan-kora baako kesee a Oman Adansie ho Mmara (1988) da no adi no atom, ma enam so ama wakyere se esee se dan-kora baako biara a ewo Dwumadie beaee ho no mu ye kesee.

Nanso, na adwenkyere a ato dwa wo saa badwam nkyerekyere no ase ne se dan-kora a emu kesee no ye aduokron wo ahinanan mu (90 square foot) no sua koraa, eno nti, na esee se efie biara mu dan-kora mu beye kesee asene dee Oman Adansie ho Mmara kyere no. Akyire yi, Beaae foforo ho Nkemmodie Agyinatukuo no boɔ mmoden siesiee dan-kora baako mu kesee ho nsem no na, Adwumakuo no penee so se dan-kora biara a ewo adan a wobesi wo beaee foforo ho no mu kesee beye oha ne aduonu wo ahinanan mu (120 square foot).

Mftiansee no, na Adwumakuo no ani da kwan se anka ananmusifoɔ a wone Beaae foforo ho Nkemmodie Agyinatukuo toatoaa adwene no de eho amaneebo nyinaa beko akoo omanfoɔ. Ankye koraa na edaa adi se nsentitire bi te se da a mpatasika-tua betwam no, omanfoɔ ante na won a wotee no nso wannya nkyerekyere mu yie. Ananmusifoɔ no ankyerekyere nsentitire mu ankyere won nkurofoɔ.

Yei nti, ebaa se wode amanneebo ne nsentitire mu nkyeremyeremu dwumadie no hyee Adwumakuo no nkorabata a wone omanfoɔ di nkutaho, OICI Adwumakuo ne Mmabunu kuo bi nsa se wonkyeremyere nsem mu na wommɔ omanfoɔ amannee.

Wone ankorankore anaa nnipa a dwumadie yi ho nsunsuansoɔ ka won no hyiaa mu kyerekyeree nsem mu kyeree won.

Se yeyi nhyiamu ahodoɔ a ekoo so to nkyen a, omanfoɔ ate amanneebo biara a efa beaee foforo a nnipa beko akotena ho yie, saa ara nso na fidua ahodoɔ a dwumadie yi ho nsunsuansoɔ beka won no de badwam adwenkyere a EPA yee wo 2000, 2001 ne 2004 mu no aba se, ese se yede ka Dwumadie ho Nsunsuansoɔ wo Ateneae so ho Anodisem no ho, na afei nso, wope se adwentoatoa ne nhyiamu ko so wo Adwumakuo yi ne nnipa a wowo dwumadie yi ho kyefa no ntam. Anammɔn foforo a Adwumakuo yi betu nam so ama omanfoɔ ako so atoatoa won adwene ne se, wode nsem no nyinaa begu abeefo nkratoɔ afidie so, wobetintim bi na wode ako oman yi mu baabiara ne amannone nso.

Mpatasika

Nnipa, fidua ne mpotam ahodoɔ a dwumadie yi ho nsunsuansoɔ beka won no nyinaa wo ho kwan se wogyee mpatasika wo agyapadee biara a won ani gye ho nanso wonntumi nnyi mmfiri sikakokoo-tuo-beaee ho no ho. Fidua biara mu no, dee agyapadee a wonntumi nnyi mmfiri ho hye ne nsa no taa ye onipa baako- abusuapanin. Baabi nso wo ho a, nnipa mmienu na ehye won nsa abusuapanin ne ne hokafoɔ anaa se etumi ye obusuani foforo bi. Se abusuapanin bi wu a, Adwumakuo yi hye se, ese se abusafoɔ no ko koo koogyee adanse a ekyere odiadeni/adedifoɔ.

Agyapadee biara a wonntumi nnyi mmfiri ho (se ebia afuo mu mfudee anaa adan) a woyee ansana mpatasika-tua da a RNC de sii ho retwam no, wobetua mpatasika wo ho. Agyapadee biara nso a wonntumi nnyi mmfiri ho (se eye afuo mu mfudee anaa adan) a woyee wo bere a mpatasika-tua da atwam no, wonntua mpatasika biara wo ho.

Adwumakuo no beye nhwehwemu nam so ahunu Dwumadie yi ho nsunsuansoɔ a ebeka omanfoɔ wo asase ho kyefa ne asase a wogya ato ho a ahwere ne wuranom no ho. Adwumakuo no beye nhyehyee pa nam so aboa ma akuafoo a woha asase aye so afuo no anya bi a wommre ho koraa.

Ghanaman mmara ne ne nhyehyee mu no, Adwumakuo no nni ho kwan se woto aban nsase anaa nso se wobetua mpatasika wo ho, gye se ebia eho nkrataa nyinaa di mu. Nanso won a wotete beaee a worebetu eho sikakokoo a worebehwere won nsase no dee, Adwumakuo no bema won baabi atena wo nkuraa a wababoo sese wo so de rema won a woretu won afiri baabi a worebetu eho sikakokoo no. Nsase a wode rema wo beaee foforo ha yi no ne sedee wosusu nsase wo Ghana ha no siae so na afei nso egyina asase a na wote so dada no kesse so.

Aban agyapadee a ewo nsase dada no so se ebia sukuu adan ne kookoo apata dee, Adwumakuo no beko akosisi bi wo nkuraa a wogye de rema won a woretu won no so ho de ahye anan mu.

Ne tiawatwa mu no, se yeka agyapadee a yekukuru ko baabi foforo a ennye yie a na yerekyere mfudee, adan, mmura, asutae a woyene mu nsuomnam, adan a mmoa da mu, sukuu adan, adan a woye mu nnwuma se ebia kookoo apata, nikanika, kiosk, na afei akwan a edi mu pa ara a aban ayiyi, na mmom ennye asase no ankasa.

Adwumakuo no de mpata a ese na efata ne mmoa mapa ma won a dwumadie no ho nsunsuansoɔ ka won no - (hyehyepono 18). Atenaee foforo ho ho Nkɔmmɔdie Agyinatukuo toatoa yei nyinaa ho adwene gye too mu.

Adwumakuo no akan ahunu agyapadee a ewo beaee a wɔrebetu sikakɔkɔɔ wo ho no a yekukuru kɔ baabi foforo a ennye yie no nyinaa. Saa agyapadee ahodoɔ yi ne mfudee, adan, akwan ne nnwuma. Wɔasusu nsase a mfudee no wowo soɔ no nyinaa a ne wuranom nim ho bie na mpɔtam ho akuafoɔhene ana adanseni a afuo no wura ankasa pe adi ho adanse. Agyapadee ahodoɔ no nyinaa ano boɔ-sese no, Atenaee Foforo ho Nkɔmmɔdie Agyinatukuo ne agyapadee no ankasa wuranom adi ho adanse agye atom.

Agyapadee a wɔkukuru de kɔ beaee foforo a wɔresiesie ama won a wɔretu won no ho na wɔbehwe atua mpatasika ama won a dwumadie no ho nsunsuansoɔ beka won ne fidua ahodoɔ no.

Wɔbehwe bo a agyapadee bi som ho na atua eho mpatasika seɔde mpatasika-tua nhyehyee tee no ara pe.

Atenaee Foforo a wɔde bema nnipa Akɔtena

Obiara a wɔbebubu n agyapadee wo bere/deeti a wɔahye a se epa ho a wonntua mpatasika mma obiara bio ntam no, wɔbepata no. Mpata no ne se wɔbesi saa agyapadee koro no ara bi wo baabi foforo a wɔresiesie ama won a wɔretu won afiri beaee a wɔrebetu eho sikakɔkɔɔ ho no.

Enam gyinaee a Atenaee foforo ho Nkɔmmɔdie Agyinatukuo asi so nti no, won a wɔtete Kenyase nɔma 2 ahemfo nsase soɔ no wɔbeyi won akɔtena OLA Atenaee Foforo ho, Enna won a wɔtete Ntotoroso ahemfo nsase soɔ no nso wɔbeyi won akɔtena Ntotoroso Atenaee Foforo ho. Omanfoɔ no nyinaa abo agye saa gyinaeesie yi so, a obiara nnaa nneyee biara a ekyere se gyinaeesie yi nko yie adi.

Fiewuranom a wɔrema won baabi foforo atena no ne won yerenom ankasa na wɔgyina dee edidi soɔ yi so kyere edan suo a wɔpe:

Mantamu a edan no wo
Gyaade a ewo ho
Seɔde wɔasi asisi adan no

Eye a wonam “kyakya” so na ekye atenaee ahodoɔ no. Mmusuakuo, afipamfoɔ ne nnwumakuo a eho hia se wɔdi nsawoɔsoɔ wo won dwumadie mu no betumi abisa ama wɔama won atenaee wo faako.

Adan foforo a wɔresiesie a emu adankora ye baako, mmienu ne mmiensa no, nsase a wɔsisi adan no wo soɔ no se wɔde kɔ ahinanan mu a, eye ahanum ne aduanan (540 sq m. plot).

Adan foforo a wɔresiesie a emu adankora ye enan kosi nsia no nso se wɔde kɔ ahinanan mu a, nsase a wɔresisi wo soɔ no keɔse ye ahanwɔtwe ne edu. Adan foforo a wɔresisi a emu adankora boro nsia no dee, wɔhyeda twa asase a efata na wɔasi wo so.

Wɔn a wɔama wɔn baabi foforo atena no, wɔbɛma wɔn kaa de afiri wɔn atenaɛɛ dada ho akɔ foforo ho, afei wɔbɛma wɔn kaa kɛsɛɛ a ɛbetwe wɔn nnoɔma no ne wɔn ayɛmma. Wɔn nnoɔma ano boaboa ne ɛho korɔ-ne-ba nso, wɔbɛma wɔn sika kakra na afei, sika ntotoɛɛ ho dwumadie a ɛma ntetɛɛ a wɔde wɔn ho bɛfra mu bie no nso wɔbɛma wɔn akatua kakra.

Afei Adwumakuo no tua sika kakra ma wɔn a ɛsɛ sɛ wɔtu nanso baabi foforo a wɔresisie ama wɔn nnii mu no ma wɔde hane ɛdan kɔsi sɛ wɔn atenaɛɛ foforo no bedi mu. Atenaɛɛ Foforo ho Nkɔmmɔdie Agyinatukuo no ahyehye apene sika a ɛsɛ sɛ wɔtua ma obi saa de kɔhane ɛdan. Wɔtua saa sika yi bɔm ma fidua ahodoɔ a wɔbɛpene so sɛ wɔbekɔ akɔhane ɛdan de atwen foforo a wɔresi ama wɔn no. Sika a wɔtua wɔ yei ho no som bo sene deɛ wɔde hane dan wɔho. Ɔmanfoɔ ani gye ɛdan hane sika yi ho pa ara. Fidua ahodoɔ bi mufoɔ agye sika yi nanso besii ɛnne wɔnntuiiɛ. Afoforo nso nnyee sika no ɛfiri sɛ wɔsɛ wɔbetwen ama wɔawie beaɛɛ foforo ho adan no. Yei nyina mu no, Adwumakuo no nkaa wɔn mu biara hwee.

Adwumakuo no nam wɔne Atenaɛɛ Foforo ho Nkɔmmɔdie Agyinatukuo Nkutahodie so hwɛhwɛ hunuu beaɛɛ ahodoɔ nwɔtwe a wɔbetumi asiesie ho atu ɔmanfoɔ no akɔ ho. Saa beaɛɛ ahodoɔ yi na wɔpɛɛ mu mmieniu a ɛne Ntotoroso Atenaɛɛ foforo ne Ola Atenaɛɛ foforo. Adwumakuo no gyinaa sedɛɛ atenaɛ foforo ho su tɛɛ so, Ghanaman Nnwumakuo a wɔn ho fra dwumadie no mu nhyehyɛɛ ne akwankyɛɛ ne nnipa dodoɔ a ɛsɛ sɛ wɔtu wɔn ma wɔkɔtena ho no nsusuiiɛ so na ɛsisii, siesie Atenaɛɛ foforo ho.

Sɛ yede kɔ “hekta” mu a, Ntotoroso Atenaɛɛ foforo no kɛsɛɛm beyɛ sɛ ɔha aduosia baako na ɛda Ntotoroso kuro dada no anafɔɔ fam. Sɛ yekyɛkyɛmu “plɔto” “plɔto” a ɛwɔ sɔɔ no dodoɔ ye ahanum aduonum mmieniu. Sɛ yede OLA Atenaɛɛ Foforo no kɔ “hekta” mu a ɛye aduonum baako na ɛda ateaɛɛ dada no atɔɛɛ fam. “Plɔto” “Plɔto” a ɛwɔ sɔɔ no dodoɔ ye ahanan ne dubaako.

Beaɛɛ Hwɛhwɛ ho Agyinatukuo no, Ateanɛɛ foforo ho Agyinatukuo no, Asutifi Mansini no, Bono Ahafo Mantam no kuropon ne Ɔman Ntotoɛɛ Adwumakuo ne Aban Nnwuma a dwumadie no fa wɔn ho ahwe apene atenaɛɛ foforo no sie ne ɛho nhyehyɛɛ nyinaa so.

Adwumakuo no nam nsawɔsodie a wɔne Mansini ne Mantam Nsiesie Adwumakuo ne Beaɛɛ Hwɛhwɛ ho Agyinatukuo no adi nsawɔsɔɔ adɔɔdɔɔ adanhodoɔ nko ara aduasa nson a yede kɔ ahinanan mu a ɛbeyɛ ahanu aduonum a emu biara mu no ɛdan baako, adwareɛɛ baako gyaade ne K IP tiafi yi bi wɔ mu. Deɛ adankora nsia, adwareɛɛ baako gyaade, ne K IP tiafi wɔ mu no sɛ yede ne kɛsɛɛm kɔ ahinanan mu a ɛye beyɛ apem, ahasa aduonum. Saa adan yi nyinaa su ne Ghana Adansie Nhyehyɛɛ a Ɔman Adansie Adwumakuo ahyehyɛɛ siaɛ so. Pia a ɛwowɔ adankora yi mu biara mu kɛsɛɛ, yɛsɛ yede kɔ ahinanan mu a ɛye ɔha aduonu. Yede abɛɛfo nnoɔma a wɔde si dan nko ara a emu bi ne “sandkrete”, blɔks, Alu inc nkyɛnsɛɛ a yede bɔ ɛdan so, mpomma, “kɔnkrete”, ɛfam nsameɛɛ ne ɛdan no ho “plasta”. Wɔn a yeretu wɔn akɔ beaɛɛ foforo ho no ara na wɔkyɛɛ sedɛɛ wɔpɛ adan no ne ɛho “penti” nyinaa.

Sɛ yeyi sukuu ahodoɔ firi mu a, agyananbea ana K IP nni atenaɛɛ a ɛwɔ beaɛɛ a yerɛbetu ɛho sikakɔkɔɔ no. Sedɛɛ beaɛɛ foforo ho betɛɛ nti no, adan a yeresisi no nyinaa yede adwareɛɛ, akwannya bi a ɛfie biara mu nsufi betumi afa mu ne K IP tiafi akɔ mu.

Adwumakuo no ne Mansini ne Mantam kuropon ne Ɔman Nsiesie Adwumakuo ne Beaɛɛ Hwɛhwɛ ho Agyinatukuo no adi nsawɔsɔɔ nam so ahyehyɛɛ, asane atete nsase no kama sedɛɛ wɔsisi adan no wie a ɛho beyɛ fe na adi mu.

Botae a wogyinaa so tete sane hyehyee no kama ne se, nsase no beye akese a mpo wobetumi atre adan a wasisi dada no mu asane atumi ayɔ mfikyifuo ketewa bi mpo. Bio sedee ene nkuraasee adansie nhyehyee besiae soɔ.

Adwumakuo no ne Mansini ne Mantam Kuropon ne Oman Nsiesie Adwumakuo no na afei, Beae Hwehwe ho Agyinatukuo no adi nsawɔsoɔ ahyehye beae foforo ho adansie ne eho akadee nyinaa yie ama ene oman ahana adansie ne wiase afanan nyinaa dee asiae so. Wɔhwɛ asetenam akadee ahodoɔ a ewɔ beae dada a omanfoɔ no tete ho ho, Ghanaman adansie ho nhyehyee ne akwankyerɛ, Wiase nyinaa Banke ne Wiase nyinaa nhyehyee ahodoɔ a efa adansie ho so na etotoo beae foforo ho nnooma nyinaa. Sedee yeasisi adan no, ahyehye asetenam akadee no nyinaa boro tebea a na atenaee dada no wɔ mu no so.

Wɔatwitwa akwan a a eye “mita” nwɔtwe ne “mita” dubaako ne akyire epɔ mmiensa atoto atenaee ho adan no nyinaa ntam. Efiɛ no mu biara ne lore kwan di nhweanimu.

Efa no nsuo ho nsem nso, wɔatutu abura de mfidie ahyehye mu a “epɔmpe” nsuo no, ama tanke akese a wɔkora mu nsuo ne paapo a obi renante akɔ ho a ennuru mita oha aduonu nnum mpo. Wɔaye saa nhyehyee yi nyinaa sedee ebeboa ama wɔn nsa aka nsuo lita” aduanan a wɔhia firi paapo ano da biara no. Wɔaye yei sedee omanfoɔ no nso betumi atwetwe bi akɔ wɔn afie mu.

Wɔaye nhyehyee a wɔnam so de Kenyase atenaee foforo ho paapo nhoma beto Kenyase noma 2 nsuo nhoma no mu sedee wobetwe bi afiri ho afa eno mu. Ntotoroso Atenaee foforo ho dee wɔaye se, se daakye wɔwie nsuo a wɔrebeyiyi wɔ mpɔtam ho a wɔde atom.

Wɔayɔ baabi a omanfoɔ betumi akɔto wɔn nwira agu. Ekwan nware, yei nti obi nante tiawa bi beye “mita” ahanu bi pɛ oβetumi aduru beae ho.

Anyinam ahooɔden nhoma a ewɔ Kenyase noma 2 ne Ntotoro so dada a ano den gyina 34.5K no, wɔatwe bi aba beae foforo a wɔresiesie ama wɔn no atwe ahooɔden no bi afiri mu ama ano den no aba fam abeye 415 AC 3. Dee wɔatwe mu ahooɔden no bi ama ano aye mmere na obiara repe bi wɔ atenaee foforo ho a oβenya. Wɔama ano aye mmere sedee wɔtwe kɔ fiduam de di dwuma a ebekɔ yie.

Se wɔnya tu kɔ atenaee foforo ho a wɔbema fidua biara adansedie krataa a ekyerɛ se wɔde eho no ama onii no se ontena ho. Oman yi mu asase adwumakuo no na wɔde saa adansedie krataa yi bema. Sedee Ghana mmara kyere no ara pɛ, krataa no bema ancorankore no mu biara mfee aduokron nkron a oβetumi atena asase no so.

OICI adwumayɔfoɔ bekɔ fidua ahodoɔ no mu mmaako mmaako akyerekyere omanfoɔ no sedee wɔtena sankrete “blocks” dan a K IP wɔ mu a, wɔte mu wɔ beae ho ma eho tee ne mmara ne nhyehyee ese se wɔdi so. Wɔbema wɔahunu nsonoe a eɔa beae foforo a wɔabetena no ne dada a kane na wɔte ho no ntam. Wɔbekɔ so asrasra omanfoɔ no kɔsi se wɔbehunu se wɔn ani aka wɔn atenaee foforo ho. Wɔrefiri asee a, nnansa biara wɔ nnawɔtwe mu OICI adwumayɔfoɔyi besra wɔn a wɔakɔtena beae foforo ho no.

Atenaee Foforo ho Mpatasikatua

Se yeka mpatasikatua a na yerekyere sika bafuu a wotua ma adanwuranom wo won agyapadee bi a eho beka wo dwumadie no mu nti. Mpre pii mu no, eye a omanfoɔ ani gye se wobetua sika de apata won sene se wobekɔ akɔye won agyapadee no seso wo beaee foforo bi ama won, wohwe mu pa ara a Adwumakuo yi, Atenaee foforo ho Nkɔmmɔdie Agyinatukuo no ne mpo Aban ani gye saa mpata yi ho pa ara. Yei nti bere biara a obi de mpatatua ho abisadee beba no wodi kan de koto Beae Hwehwe ho Agyinatukuo no anim. Efiri ho a wode koto Atenaee Foforo ho Nkɔmmɔdie Agyinatukuo no anim ma wopene so ana wɔbɔ gu. Ansa na wobepene so atua agyapadee bi ho mpata no, gye se agyapadee no wura:

Kyere se wo agyapadee Foforo bi ka dee eho aka no ho. Yei mu no Atenaee foforo ho Nkɔmmɔdie Agyinatukuo no beko akohwe se eye ampa ana.

Onii firi beaee ho kotena n agyapadee foforo no mu. Yei mu no ese se Atenaee Foforo ho Nkɔmmɔdie Agyinatukuo no kohwe hunu se ampa agyapadee no nso ye ne dea.

Akwan a edidi soɔ yi na wofa so sese mpatasika a ese se wotua ma obi.

Adan- emfa ho ne nnoɔma a wode sii edan no ne baabi a ewo no ho, wobegyina sandcrete bloks boɔ seesei so asusu edan no tenten ne ne keseem nam so ahunu ebɔ a esom.

Nnoɔma afoforo bi a ennye adan wobema obi a wɔagye no atom se wo nimdee mapa wo agyapadee bi ano boɔ a esom ho a Adwumakuo no abɔ no atenasee akyerere sika a ese se wotua.

Ahyentiadee, nnoɔma ano boaboa ne Nteteɛ Dwumadie a wode won ho behye mu bie anya nimdee no ho nti wotua “sika” ma agyapadee wuranom a woretu akɔ beaee foforo ho no.

Agyapadee wuranom no mu biara wo ho kwan se ofa biribiara a ope wo ne dan a eho aka no mu.

Se eho kɔhia a Adwumakuo no tumi boa wo nnoɔma bi a ebia agyapadee wura bi pe se ofa firi n gyapadee no ho no mu, wotumi mpo de kaa boa onii no ma ode twe nnoɔma a ebia ope se ofa firi edan no ho no.

Eye a mpatasika no ho ba onii a ereko ama no no ho mfasoɔ pa ara. Wohwe a, adan ahodoɔ a eho aka no ho nnoɔma a wode siie no nni mu papa nanso se woresese mpata no a wogyina “Sankret bloks” boɔ so na esese tua mpatasika no., Yei ma wonya sika yie.

Eduruu Osanaa da a eto so du-nwotwe wo afe 2005 mu no na nnipa/omanfoɔ ahanan aduonu nnan a ese se woma won mpatasika no na wama won mu ahanu aduokron nsia mpata no.

Asetenam ne Mpɔtam Mpɔntuo

Adwumakuo no aye nhyehyee a wonam so bema omanfoɔ no adi yie (wonam yei so reboa won a dwumadie no ho nsunsuansoɔ aka won na ama fidua ahodoɔ mufoɔ ahunu won abrabɔ ano ana mpo wɔahye ase foforo koraa) na wɔatu anammɔn bi nso a ebema mpɔtam ho ne mpo Mansini no nyinaa anya mpɔntuo.

Ɛda Adwumakuo no akoma so pa ara se wɔbɛfa ɔmanfoɔ a wɔwɔ ho no ara bi de wɔn aye adwuma sɛdeɛ ɛbeye a ɛho mfasoɔ no bi beka wɔn. Yei nti wɔaye nhyehyee a wɔnam so befa ɔmanfoɔ no mu bi ama wɔn dwumadie no ho nteteeɛ mapa.

Adwumakuo no ne ahyen/bɔɔs wuranom bi adi nsawɔsoɔ a enam so nti wɔbekɔ akɔfa adwumayefoɔ no afiri beaɛɛ foforo a wɔbetena ho de wɔn akɔ beaɛɛ a wɔretu sikakɔkɔɔ no. Emma “amamfrafoɔ mmfiri baabi mma ho se wɔrebɛpɛ adwumayo ayo.

Enam yei so bema ɔmanfoɔ a wɔdi dwa nketenkete no anya kankoro.

Adwumakuo no abɔ OICI adwuma no atenaseɛ se wɔnhwe mma wɔn a dwumadie no ho nsunsuansoɔ ka wɔn no nteteeɛ mfa sika ntotoeɛ ne dwadie nkumaa ho. Nteteɛɛ yi botaeɛ ne se ɛbeboɔ ama ɔmanfoɔ de mpatasika a wɔde bema wɔn no adi dwuma na enam so ama wɔadi yie. OICI adwuma no kyere a, nnipa dodoɔ a besi enne wɔde wɔn ho ahye nteteeɛ dwumadie no mu nam so anya nimdee mapa no dodoɔ ye apem ne ahanu.

Nnipakan ne asetenam-sikakem mu nhwehwemu a OICI Adwumakuo no yeeɛ no abeye Asetenam Mpɔntuo ne ɔmanfoɔ Nteteɛɛ Dwumadie (LEEP) no nnyinasoɔ.

OICI na wɔhyehyee LEEP dwumadie no, na Adwumakuo no nso agye atom, saa ara nso na ɔmanfoɔ dodoɔ a Dwumadie yi ho nsunsuansoɔ beka wɔn no ananmusifoɔ, RNC, Mansini Mmarahyɛbadwa ne Mantam no nnwumam mpaninfoɔ agye LEEP ho nhyehyee no atom. Ɔgyefuo 15, 2005 mu na wɔdaa LEEP ho nhyehyee no adi.

LEEP ho nhyehyee yi fa asetenam yiedie ne mpɔtam mpɔntuo ho. Ɛye dwumadie bi a ɛbema sikasem atu mpɔn, ɔmanfoɔ benya agyapadeɛ, abrabɔ mu betu mpɔn na afei, ɔmanfoɔ nso benya nteteɛɛ a ɛbema wɔanya nnyinasoɔ wɔ abrabɔ mu. Dee ɛwɔ LEEP ho nhyehyee yi mu ne se, ɛrenkyere biara, fidua ahodoɔ a sikakɔkɔɔtuo yi ho nsunsuansoɔ beka wɔn no benya mmoa a wɔnam so de bema wɔn asetenam atu mpɔn na akyire no, enam so ama mpɔtam ahodoɔ a ɛwɔ mansini no mu nso anya abrabɔ mu mpɔntuo ne asetenam nnyinasoɔ.

Dee etee pɔtee ne se, LEEP ho nhyehyee yi ye dwumadie bi a ɛbekɔ so abosome dunwɔtwe na dwumadie no ho anammɔntuo, bere a wɔde bedi dwuma pɔtee biara ne sika a wɔbehia nyinaa ho nsem atotoɔ yie. Adwumakuo yi susu se saa abosome dunwɔtwe dwumadie yi ye dee ɛdi kan koraa wɔ mpɔntuo ho nhyehyee a wɔde bedi dwuma wɔ bere a sikakɔkɔɔtuo dwumadie ahye aseɛ wɔ 2006 mu. LEEP ho nhyehyee a ɛto so mmienu no nso fa mpɔtam mpɔntuo dwumadie ahodoɔ ho, na afei, wɔbema ani akɔ abrabɔ mu akadeɛ te se apɔmuden, nwomasua ne asetena pa anaɔ ɔmanfoɔ nteteɛɛ ho nsem so.

Adwumakuo no aye nsusuiie se wɔbete agyinatukuo foforo a wɔfre no Mpɔtam Nsawɔsodie Agyinatukuo (CLC) a wɔn asedeɛ ahodoɔ mu baako ne se wɔbeboaboa nnipa, dwumadie ho akadeɛ biara ne sika ano nam so ahwe ama LEEP nhyehyee no ho dwumadie, akyiredie ne emu nhwehwemu nyinaa awie pɛye. Wɔne nnipa a wɔwɔ nimdee mapa na ɛbeka abɔm ama yei adi mu.

Mmɔborɔwafɔ

Ghana Asetenam Tebea mu Nhwehwemu a ɛto so nnan (GLSS 4) a wɔyeeɛ no kyere se, ohia buruburoo ne asetena mu tebea a ennye koraa, na wɔn a wɔwɔ saa tebea no mu no nnya

aduane a ese se wɔnya, na se wɔde sika a wɔnya nyinaa mpo to aduane a ennsɔ wɔn. Saa nhwehwemu a wɔyɛe wɔ ɔman yi mu nyinaa no, edaa adi se nnipakuo a wɔdidi sɔɔ yi ne ahiafoɔ buruburoo, mmɔborɔwafɔɔ ne wɔn a wɔayi wɔn totwene:

nkuraase akuafoɔ titire no wɔn a wɔfiri baabi foforo aba ho rebeye afuom nnwuma ne wɔn a wɔne afoforo kye mfudee.

Mmɔfra a wɔwɔ ahokyere mu

Wɔn a wɔanya HI /AIDS.

Mpɔtamfoɔ a wɔatu wɔn afiri baabi a wotee mpɔtam a fagudeetuo mu dwumadie ho nsunsuansɔɔ aka wɔn nso ka ho bi.

Mmaa a wɔnni abrabo mu nnyinasɔɔ biara titire no, maamenom a wɔnni kununom.

Wɔn a wɔn ani afi (nkwakora ne mmerewa)

Wɔn a wɔadi dem

Wɔn a wɔyare koankoro yaree a eredi wɔn nya

Nnubɔnenomfoɔ

Wɔn a wɔyɛ wɔn ayakayakadee ne wɔn a wɔde wɔn fa amammere yayaaya mu.

Wɔn a wɔnni adwuma, titire no adwumayefoɔ a wɔnni nsaanodwuma biara a wɔayi wɔn adi, ene mmabunu a wɔnnye adwuma.

Se yehwe ohia tebea ho susudua ahodoɔ a ewɔ ɔman Ghana mu a, enneɛ na Asutifi Mansini ne Dwumadie-bea ho ye baabi a ohia wɔ pa ara. Se yehwe mmeamnea a mmɔborɔwafɔɔ wɔ nso a, enneɛ na Dwumadie-bea ho ye baabi a wɔwɔ pa ara esiane se nnipa dodoɔ no ara na atu bata aba ho. Wɔn mu dodoɔ no ara nso na wɔnui nsaanodwuma anaa nimdee biara nanso wɔrekɔpe adwuma ayɛ. (GLSS 4 mu na saa amanneɛbo yi firi).

Wiase afanan nyinaa no, beaɛe foforo a nnipa kotena ho ɔhaw ahodoɔ ne se, nnipa no nni asase, wɔnni adwuma, wɔnni efie a wote mu, sikasem to sini, atantannee ne owuo doɔso, nnuane ho ye den, asetenam ye basaa, agyapadee nso taa see. Tebea a ete sei mu no, ɔhaw ahodoɔ taa si wɔ bere koro no ara mu, se ebia, wohwere w asase, w adwuma, wo fie, asetenam ye basaa. Se ɔhaw a ete sei ba wɔn a wɔn abrabo mu nnye dada no so a, dee ekɔwie ne se eku wɔn korakora.

Fidua ahodoɔ a beaɛe foforo ho anammɔntuo ha wɔn pa ara ne wɔn a wɔdidi sɔɔ yi:

wɔn a wɔnni sika kesee ne agyapadee

wɔn a wɔnnya mmoa papa biara mmfiri abusuafoɔ ho, se ebia mmɔfra a wɔnni awofoɔ a wɔbeboɔ wɔn, wɔn a wɔn ani afi na wɔnni obiara a ɔyɛ adwuma a ɔbeboɔ wɔn, abaatan a wɔnni ahokafoɔ, titire, maamenom a wɔnni kununom

wɔn a wɔde aniwusem bi ato wɔn so, esiane wɔn su, baabi a wɔfiri, adwuma a wɔyɛ, yaree a abɔ wɔn

wɔn a wɔdan afoforo ansana na wɔadidi esiane wɔn mfee nti (se ebia wɔn a wɔn ani afi, ene mmɔfra), wɔn a wɔadwene ne wɔn nnipadua ho ate kyema.

Saa nnipa ahodoɔ yi na wɔfre wɔn mmɔborɔwafɔɔ. Wɔn a wɔyɛ mmɔborɔwafɔɔ pa ara wɔ dwumadie beaɛe ho no ne:

Wɔn a wɔhwe afoforo mfuo so ma wɔn anaa wɔne afoforo kye afuo mu mfudee a wɔnni dan anaa afuo biara a eyɛ wɔn ankasa dea anaa mpo se wɔyɛ afuo a na yeagyɛ afiri wɔn nsa.

Fidua a ohia wɔ hɔ na ɔbaa ne efie no ti, a wɔnnya mmoa biara mmfiri abusuafoɔ hɔ.

Wɔn a wɔn ani afi na ahia wɔn, titire no, wɔn a wɔnnya mmoa biara mmfiri abusuafoɔ hɔ.

Adwumakuo no gu so rehwehwe wɔn a wɔye mmɔborɔwafɔɔ no na wɔatwere wɔn ho nsem nyinaa. Wɔnam akwanhodoɔ a edidi soɔ yi so redi saa dwuma yi:

Asetenam ne sikasem mu nhwehwemu a OICI aye ene efie biara tebea ho nhwehwemu a efa sedee efie no tee, agyapadee a ewɔ hɔ, adwuma korɔ a wɔye ma wɔn nsa kɔ wɔn ano ne aduanesem ho.

Fidua ahodoɔ a mpɔtamfoɔ no ara ahunu se wɔye mmɔborɔwafɔɔ a ebese enne wɔye wɔn mmoa.

Nhwehwemu a OICI ne Adwumakuo no nkorabata a wɔne ɔmanfoɔ di nkutaho reye wɔ fidua biara a wɔrekɔ tena beaee foforo no ho.

Mpɔtam hɔ Adwumakuo a wɔhwe Asetenam Yiedie ne Akadeɛ ho nsem so no dwumadie.

Adwumakuo no afa mpɔtam hɔ ara nhyehyee bi so reboa mmɔborɔwafɔɔ no. Dee Adwumakuo no ye ne se wɔne fidua korɔ no, Beae Foforo ho Agyinatukuo, ahemfo badwa, efie/nsase wuranom a wɔdi mu, afipamfoɔ ne abusua mpaninfoɔ tena ase toatoa adwene hunu mmoa a wɔde beboa fidua no.

ɔhaw/Ntawantawa Nsiesie

Adwumakuo no awe ataa so se wɔbesiesie ɔhaw biara a ebaba wɔ beaee foforo a wɔde nnipa rekɔ tena no ho. Eye wɔn botaeɛ se nsemmissa, ahiasem, ne ɔhaw biara a ebaba wɔn anim no wɔbedi ho dwuma.

Asutifi Mansini mu no, nkutahodie nntumi nnkɔ so wɔ nkrataa so. Mpaninfoɔ no mu fa nnim akenkan ne atwere. Dee Adwumakuo yi aye ne se, wɔama kwan se obiara a ɔwɔ ɔhaw bi no mfa nto adwumayefɔɔ a wɔwɔ Adwumakuo no nkorabata a wɔne ɔmanfoɔ di nkutaho no anim wɔ wɔn aporɔɔ mu, na afei nso wɔbetumi de aba ɔfese hɔ wɔ Kenyase 2. Mpre pii no, enkyere biara na wɔape ɔhaw dodoɔ no ara nnannuagubere. Nsem a emu ye den no, eye a wɔfre nnipa no na wɔne wɔn tena ase. Mpre pii no, nnipa a wɔdi mu nso tena mu bi, titire no, abusuafoɔ anaa adansefoɔ. Wɔtwere ɔhaw ahodoɔ yi nyinaa gu nkrataa so, yei boa ma wɔtumi de ani di akyire hunu sedee wɔrepe ɔhaw no nnannuagubere. Nsem a eye hu no dee, odwumayeni no twere biribiara gu krataa so. Anye saa adwentoatoa a ebekɔ soɔ no nyinaa beyera wɔ mframa mu. ɔhaw anaa Ntawantawa ahodoɔ no mu beboso ɔha mu nkyemu aduokron (over 90% of queries, complaints and grievances) na wɔfa saa nsiesie kwan yi so pe ne nnannuagubere. Kwan a wɔfa so ma nteasee ba anaa wɔde hunu se nteasee aba ne se, se afanu no mu baako (nkurobɔfoɔ) kɔ so de ne ho gye nsiesie ntotoe ne eho anammɔntuo mu anaa se ɔntwe asem no htann na ɔbegyae akyire die.

Se eba se nhyiamu kwan a wɔfa so siesie nsem no nntumi nnye yie a, wɔma onipa a wɔreka n asem no twere gu krataa so de kɔma wɔn. Eba saa a, wɔn a wɔnim akenkan ne atwere mpo de wɔn anosem gu nkrataa so ba, mmom wɔpe nnipa a wɔnnim akenkan ne atwere ma wɔboa

wɔn. Adwumayefoɔ a wɔwɔ Adwumakuo no nkorabata a ehwe wone ɔmanfoɔ ntam nkutahodie nsem so ho no twere krataa biara a wɔn nsa beka no to ho na beye bosome baako pe ntam no wɔma deɛ ɔtwereɛ krataa no nya mmuaɛɛ.

Se eduru nsem a emu ye den so a, adwumayefoɔ no taa pe afotuo firi ahemfo ne Beaeɛ Foforo ho Nkɔmmɔdie Agyinatukuo no ho ma wɔfa so pe ɔhaw no nnannuagubere. Ghana ye ɔman a “ntawantawa nsiesie” nnye den wɔ mu, na Adwumakuo no nso nam ntamgyinafoɔ ahodoɔ mmoa ne afotuo so siesie mansosem bebreɛ.

Ghana mmara ma ho kwan ma nnipa/fidua biara a Dwumadie no ho nsunsuansoɔ beka wɔn no tumi ma wɔde wɔn ɔhaw a wɔrepe no nnannuagubere kɔ kɔto anaa Adwumakuo a ehwe Ɔdasani Kyefa ne Atenteneɛ so (CHRA) anaa Adwumakuo a ehwe Asetenam Yideie nsem so (Dept. of Social Welfare) kɔpe anoyie pa.

Adwumayefoɔ a wone ɔmanfoɔ di nkutaho no di nsem yi akyi ara kɔsi se asem no to betwa, na bere a asem no gu so wɔ kɔto no, wɔtwentwen mpatasika-tua biara so kɔsi se wɔbesiesie asem no awie. Se wɔhwe na ebeye yie a, Adwumayefoɔ no to nsa fre nnipa no ma wone wɔn tena ase toatoa adwene pe asem no tobere wɔ Dwumadie no ɔfese a ewɔ Kenyase 2.

Adwumakuo no afa adwene bi se wɔbeye nhyehyee bi a wɔnam so betwere ɔhaw biara ho nsem agu kɔmputa so. Nhyehyee yi bema wɔahunu deɛ ede ɔhaw no baɛɛ, onipa a efa no ho, ɔhaw no tebea, anammɔn a wɔatu wɔ ho ne seɛdeɛ asem no nsiesie akɔduru.

Dwumadie Akyiredie Ne Emu Nhwehwemu

Dwumadie akyiredie boa wɔ Dwumadie ho ntotoeɛ mu pa ara, na enam so ma mpaninfoɔ hunu deɛ ereko soɔ, na esan ma nnipa a Dwumadie ho nsunsuansoɔ aka wɔn no hunu deɛ ereko soɔ pɔtee wɔ bere-ano-bere-ano fa mpatasika, beaeɛ foforo a wɔbetena ne mpɔntuo ho anammɔntuo biara ho. Yei boa ma Dwumadie ho mpaninfoɔ hunu se anammɔn a wɔretu nyinaa reko so anaa se ebhia se wɔsesa anammɔntuo no seɛdeɛ ebeye a ede asetena mu yiedie bebre wɔn a dwumadie ho nsunsuansoɔ aka wɔn no anaa se wɔanya biribi pa ahye deɛ wɔahwere no anan mu. Ne tiawatwa mu no, Dwumadie akyiredie ho anammɔntuo yi saa asembisa a edi soɔ yi ano:

So mpatasika-tua, beaeɛ foforo ho anammɔntuo ne mpɔntuo ho dwumadie ahodoɔ nyina reko so wɔ bere-ano-bere-ano, na afei, botaeɛ a etaa yeinom akyire no nso reba mu

Wɔbetu Dwumadie akyiredie ho anammɔn no wɔ akwan mmienu so.

- a) Deɛ edi kan no, Adwumakuo no mu mpaninfoɔ ankasa de wɔn ani bedi wɔn dwumadie biara akyi.
- b) Deɛ etɔ so mmienu nso, Adwumakuo no befa animdefoɔ bi ama wɔde wɔn ani adi anammɔn biara akyi, wone nnipa anaa fidua a nsunsuansoɔ no ka wɔn no bedi nsawɔsoɔ de ahunu deɛ ereko soɔ. Wɔbɛgyina nnoɔma a ede nsakraeɛ ba a edidi soɔ yi so na wɔde betu dwumadie akyiredie ne emu nhwehwemu ho anammɔn no:

kwan a wɔfa so tua mpatasika.

Ntawantawa (ɔhaw) nsiesie

Seɛdeɛ nnipa nya asase di dwuma wɔ so

Fidua ahodoɔ mu agyapadeɛ se eso ate anaa adɔɔso

Asetenam yiedie, ne

Apɔmuden

Dwumadie akyiredie no ene nhwehwemu ahodoɔ a wɔaye dada no benya twaka (kyere se emu nsem no beye nnyinasoɔ) nanso wɔmmfa mmeamma a nhwehwemu kɔɔ so wɔ ho no nnka ho.

Animdefoɔ a Adwumakuo no befa wɔn wɔ dwumadie akyiredie ne emu nhwehwemu ho anammɔntuo mu no, wɔde wɔn ani bedi akyire ahwe sedee nnipa a nsunsuansoɔ no aka wɔn no asetenam tee, mpempensoɔ a wɔn abrabɔ mu tebea aduru na afei, wɔahwe ahunu se sikakɔkɔtuo ho dwumadie yi de abrabɔ mu yiedie rebre wɔn anaa se ente saa. Sedee ebeye a dwumadie akyiredie ne emu nhwehwemu bedi mu nti, wɔde fidua ahodoɔ, ankorankore nnwuma ne mpɔtam ho nnwumakuo, titire no, ahemfo badwa, mansini mmarahyebadwa, nwomasua ne apɔmuden ho nsem nyinaa befra nhwehwemu no mu bi. Animdefoɔ yi beye saa nhwehwemu yi na wɔde ho mmuaee bebre Adwumakuo no afe biara. Nanso se ɔhaw bi to dwa wɔ nhwehwemu no mu (se ebia sintɔ anaa mfomsoɔ bi a ani nna ba) a Animdefoɔ no de beba abeto Adwumakuo no mpaninfoɔ anim.

Wɔbekɔ so aye dwumadie ho nhwehwemu wɔ afe biara mu kɔsi se bere a wɔde retu sikakɔkɔ no beba awiee. Adwumakuo no de dwumadie akyiredie ne emu nhwehwemu a wɔbeye no afe biara ho nsunsuansoɔ beto dwa ma ɔmanfoɔ ahunu.

Wɔbeye dwumadie ho nhwehwemu ne nkontabuo de ahunu dee edidi soɔ yi:

wɔde behwe se beaee foforo a wɔahwehwe ama ɔmanfoɔ ho anammɔntuo no fa mmara ne nhyehyee kwan so anaa se ene amansan nhyehyee siae so.

Wɔde behwe ahunu sedee beaee foforo a ɔmanfoɔ akɔtena no ho nsunsuansoɔ aye ɔmanfoɔ abrabɔ esiane se yei botaae ne se, “se ɔmanfoɔ asetenam nntuu mpɔn sedee ese a, ennee ennse se wɔkɔ ahokyere mu”.

Dwumadie ho nhwehwemu ne nkontabuo a wɔbeye no befa abrabɔ mu nsem ahodoɔ bi ho. Adwumakuo no ne Mpɔtam Nsawɔsodie Agyinatukuo (CLC) no bedi nkutaho nam so ahunu adee pɔtee a wɔde befra nhwehwemu no mu bi. Dee edidi soɔ yi ne abrabɔ mu nsemhodoɔ a ebetumi aba se wɔde beka nhwehwemu no ho: Adwuma a ɔmanfoɔ nya ye, asase a wɔnya ye so adwuma, asetenam mpɔntuo ne ankorankore nnwuma, apɔmuden na aduanedie, mpɔtam nkabɔm, asomdwoee, asetenam eka (nnɔɔma boɔ), adan a nnipa nya tena mu ne abrabɔ mu mpɔntudee (akadee) ho nsem. Mmɔborɔwafɔ ho asem beye sononko na wɔbeye nhwehwemu afa akwanhodoɔ a wɔfa so boa wɔn no ho. Afei nso, wɔbeye nhwehwemu ne nkontabuo afa ɔhaw anaa ntawantawa nsiesie ho nhyehyee no ho ahunu sedee ereko.

Wɔbeye dwumadie ho anammɔntuo mu nhwehwemu wɔ akwanhodoɔ nnan so:

Yeinom ne:

Beaee foforo ho Anammɔntuo (RAP) ho nsem a etwa toɔ no bedi kan

Se wɔpe beaee foforo ma ɔmanfoɔ wie a, afe ntam no, wɔbeye nhwehwemu ahunu se obiara nsa aka ne mpatasika sedee wɔhyee ebɔ no pɛpɛpɛ, na afei, wɔbehwe ahunu se sedee wɔtuaa mpatasika no ye ne kwan so.

Mfee mmienu akyi nso, wɔbeye nhwehwemu.

Mfee nnum akyi nso, wɔbeye nhwehwemu.

Adwumakuo no beto wɔn bo afa obi a ɔwɔ nimdee mapa wɔ beaee foforo ho anammɔntuo ho osuahunu, obi a ɔnka dwumadie yi ho na afei ɔbetumi de nsusuiie a wɔde bema no no adi dwuma.

Bere A Wɔde Bedi Dwuma no ene eho Sikasem

Nkɔmmɔdie (Adwentoatoa) a ekɔ so wɔ beaee foforo ho anammɔntuo ho nyinaa mu no ye pɛ. Sɛdee epuee wɔ nkɔmmɔdie ne adwentoatoa ahodoɔ mu no, saa ara nso na Beae Foforo ho Nkɔmmɔdie Agyinatukuo no ne Adwumakuo no nso gye too mu se wɔbehye asee asisi adan wɔ mmeamma pɔtee bi wɔ bere a wɔgu so retua mpatasika na afei nso, wɔde nnipa no rekɔ beaee foforo ho.

Dwumadie no ho bere (Sikakɔkɔtuo-bea ho Adansie ho bere) no kyere se:

Wɔde abosome dunson beye beaee foforo ho ntotoe-kyere se, wɔhyee dwumadie no ase wɔ Oforisuo 1, 2004 mu, na wɔbewie beaee foforo ho ntotoe wɔ Ɔsanaa 31, 2005, na yei akyi, wɔbehye mmere dodoɔ a wɔde saa nwoma yi beto dwa ama ɔmanfoɔ ahwe mu no ase.

Wɔde abosome aduonu mmienu betu beaee foforo ho nhyehyee no ho anammɔn kyere se wɔhyee dwumadie no ase wɔ Oforisuo 1, 2004 mu na wɔaye se ennuru Ɔpɛpɛn 31, 2006 mu no na wɔawie beaee foforo ho anammɔntuo nyinaa a wɔde fidua ahodoɔ no akɔ wɔn afie foforo mu na wɔde beaee foforo akuraase ho ntotoe asee ahye dee ese se wɔde hye ne nsa.

Bere a ese se wɔde ye beaee foforo ho ntotoe ne eho anammɔntuo no nyinaa wɔ (Fig. 18) Mmere dodoɔ nso a wɔde besisi adan wɔ beaee foforo ho no wɔ fig. 19.

Adwumakuo no ne Beae Foforo ho Nkɔmmɔdie Agyinatukuo (RNC) hyee wɔn dwumadie ankasa ase wɔ Ɔgyefuo 10, 2004 mu, na wɔhyee asee tua a mpatasika a edi kan wɔ Ɔbenem 2004 mu, Mpatasika ahodoɔ a wɔtuade na edidi soɔ yi:

Beaee foforo atenaee ho mpatasika hyee asee wɔ ɔbenem, 2005 mu.

Mfudee ho mpatasika hyee asee wɔ Ɔbenem 21, 2004 mu.

Wɔhyee asee tuaa edan ka wɔ Ayewohomumɔ 14, 2004 mu maa nnipa bi a wɔahane dan ama wɔn se wɔntena mu bere tiawa bi mu, na wɔde saa “bere tiawa dan akatua” yi ho nhyehyee beba awiee wɔ Obubuo, 2005.

Atenaee foforo ho ntotoe a wɔdii kan wiee kyere se atenaee foforo ho adan a nnipa kɔtenaa mu a eye afebɔ no hyee asee wɔ Ɔbenem, 30 2005.

Ɔsanaa bosome kɔ awiee no na nnwuma pa ahodoɔ a Adwumakuo no aye nie:

beaee foforo adan ahasa aduanan baako (341 resettlement houses) nyinaa ho dwumadie awie pɛye.

Fidua ahodoɔ ahanu aduonu nkron (229 households) nsa aka wɔn beaee foforo afie.

Wode Amerika sika mpem ahankron aduonu ne ahansia aduokron nnan (US\$920,694) atua fidua ahodoɔ ewɔ beaɛ foforo atenaɛ ho ka nyinaa.

Wode amerika sika ɔpepem dummienu mpem ahanwɔtwe ne aduonon nɔwɔtwe, ahankron ne aduokron (US\$12,878,990) atua mfuo mpem nsia ahankron ne nson (6,907 fields) ho mpatasika nyinaa.

Wode amerika sika mpem aduokron, ahansia ne aduanan mmiensa (US\$90,643) atua bere tiawa dan ho ka ama fidua ahodoɔ ɔha ne aduokron nson (197 households).

Adwumakuo no ani da kwan sɛ wode nnaɔfa ɔha ne aduonu besi ho de ada saa Atenaɛ Foforo ho anammɔntuo ho Ntotoɛ yi adi akyere ɔmanfoɔ a wɔwɔ mpɔntam ho wɔ Ɔsanaa bosome awieɛ wɔ afe yi ara mu.

Sika dodoɔ a wɔbehia wɔ RAP ho ahoboa ne anammɔntuo ho nyinaa na edidi soɔ yi:

Mfudeɛ ho mpatasika	US\$ 13,414,945
Adan ho mpatasika	US\$ 1,620,008
Atenaɛ foforo Nkuraase	US\$ 11,721,642
Dwumadie ahodoɔ	US\$ 18,794,600
Animdefoɔ Akatua	<u>US\$ 5,452,680</u>
Sika Dodoɔ	= <u>US\$ 51,001,875</u>

Sɛ wɔyi animdefoɔ akatua firi mu a, sika dodoɔ a wɔatua wɔ atenaɛ foforo ne mpatasika ho no yɛ US \$24,414,913.